第五編 68· 歴史・地理類

義 和 團運動與辛丑和約 團運動史

義和

庚子西狩叢談 庚子國變記

吴 中 國歷史研究社编輯

永 口 述

劉治襄記

陳功甫編 陳 捷著

上海雪店

版再月二年二十三國民華中

談叢符西子庚

不許翻印

【元拾貳價實册厚一書全】

經售者

出版者

苕

筆記者

口述者

蘭溪劉治 漁

電話人二七七四號道 德語 德書書 局局

# 義和團運動與辛丑和約目錄

Ħ	四	=	=	Serving.	第二章	四	=		-	第一章
<b>丝</b>	了一天津失守····································	一 南省保衞及排外風之蔓延	下詔宣戰	大治礮臺之陷落	平 聯軍陷京津····································	I 朝議之爭持及北京大焚殺····································	一義和團之得勢	一 義和團起原	<b>義和團起事前之政治背景</b>	- 義和團之起
	1   111	:: ===================================	1	… 一 八	··· 八		九	··· ··· 四	:	***

中俄密約之周折(和約概要	和約概要	和議之進行	
中俄密約之周折和約概要和議之進行	和約概要和議之進行		三 中俄開戰及俄人佔東三省・・・・・・・・・・・四七         方 清帝西巡及中俄之戰・・・・・・・・・四十         五 聯軍陷北京・・・・・・・・・・・・・・・・・・・・・・・・・・・・・・・・・・・・
中俄密約之周折	<ul><li>三 和約概要</li><li>一 議和前各國之態度及和案大綱之決定</li></ul> <li>四章 北京議和及東三省撤兵問題</li>	一 議和前各國之態度及和案大綱之決定四章 北京議和及東三省撤兵問題	清帝西舜
四 中俄密約之周折····································	三 和約概要	一 議和前各國之態度及和案大綱之決定····································	

## 義和團運動與辛丑和約

### 第一章 義和團之起

## 一義和團起事前之政治背景

初, 中日戰爭後割臺灣輸賠款各國紛紛效尤瓜分之說喧騰國外德宗英 年親政急 思

發憤圖 新國是之詔復召見康有爲於頤 弦, 丽 帝師 翁同 龢, 尤力主變 和 法乃於 **嵐仁壽殿諮詢革新政略途命** 光緒二十 四 华四 月, ( 在總 公歷一八九八年 理各國事 務衙 下 門行 更

走; 並先後攤用其徒梁啓超及楊銳林旭譚嗣 同劉光第等參與新政自是年四 月至七月督

中外大臣實行新政之詔凡數十下其大端 如廢八股及詩賦改武策論經義以搜求人才

**設京師大學堂命各省府州縣籌備高等中學小學兼習中西科學以養成後進變通武科廢** 

第一章 義和國之起

商 甲, 止 以 由 〉優獎保: 弓石改( 以 督 會, 以提 節 撫 原 餉 弒 封呈 倡 其專 需; 槍 開 實 礮; 利; 遞, 業; 辦 士民 中國 裁 變 有捐資自辦學堂者, 撤 更兵制命京營兵改習洋操 駢支 通 上 商 挡, 銀 H 衙 行, 本省 門, 以活 以 省 道 金 優 府, 經 與 費; 融; 隨 奬 時 廣 設 代 礦 開 勵, 奏以 以提倡 以整頓武備 務 言 鐵 路, 達下 命各 路及 文化; 農工 情; 省藩 當時 命 有能 各省督撫裁撤宂兵力行, 泉道 商 耳 總 著 目, 府, 局 新 焕然 於 專 書製新器 京 摺 奏事, 師, 新。 命各 者, 州 國 縣 省 等官, 設 保 立

太后 朝 后 至 成 前, 常舉 天 案, 津 而宮 將 閱 行 據 兵蓋欲 廷之間, 新 以 龤 政之際朝臣 於 太后, 嫌 至 津 疑 个 赴 頓 分新 帝 起, 見 太后 頣 而 舊 廢之 和 園。 遂 兩 也。 派舊 太后 Ц 謀 事 廢帝。 大 未 派 怒, 發, 以 帝進 曾 以 密介直督 帝 帝 欲 用新 爲 開 輕 **|**梁 禄, 躁 懋勤 派, 恐不利 浮 動, 誠 殿, 紊 設顧 御 史李盛鐸, 於己因 亂 問官, 祖 制, 日 叶 命 奏請帝 其 短 譚 嗣 謬 帝於孝欽 禊, 间 选 奉 在 自 歷 太

頣 和 園 選 宮, 下 韶 垂 簾 訓 政, 並 陝 销 於 南 海 之 瀛 臺。 瀛 臺 四 面 環 水, 面 設 板 橋 通 出 入, 太后

命 李蓮英選 親 信 太監 **監守之帝之** 太 盛, 或 處 死, 或 發 往 軍 臺, 無一 存 渚。

時 太后 欲 乘是即行廢立因令軍機密電南省各督撫, 徵取同 意。 兩江 總督劉坤一廣東

布 政 岑 春 煊, 及 南 洋 羣 島 諸 華 商, 皆 抗 電 力 争; 坤一 電 韶 尤 激, 有 君 臣之 分 巴 定, 中 外之 口 宜

防 語, 其 謀 乃 止。 因 捕 康 梁 之 、黨 而 有 爲 先 出 京, 啓超 亦 巴 走, 乃 收 御 史 楊 深秀京 卿 楊 銳 林 旭

譚 嗣 同 劉 光 第, 及 有爲 之弟廣 仁 六 人殺 之。 時 與 新 黨 有 連 者, 如 倘 書李端 袋, 侍 郎 張 蔭 桓

徐 纹 靖, 四 미 京 堂 IF. 照, 띪 卿 銜 黄 遵 憲, 湖 南 巡 撫 陳寶 箴 等皆獲罪 或 發 澄, 或 革 職; 並 奪 削

協 辨 大 學 士翁同 龢 職, 交 地 方 官 嚴 加 約 束。 丽 於 帝 削 所 頒 行 新 政, 無論 是 非, 律 停 能 復 舊。

光 絡 二十 五 年, へ 公 歷 八 九 九 年 腇 立 之議 復 起, 欲 立端 郡 平. 載 漪 2 子 溥 儁 爲 皇 帝。 康

梁 孪 在 海 外 聞 之, 聯 合 菲 僑, 立 保 皇 會致 電 政 府 力 爭, 淸 廷 懸 賞 購 拏, 上 游 船 商, 知 府 經 元 蒸

千 餘 人, 蔡元 培 黄 炎 培 等, 及 海 外 僑 尺 數 + 萬, 狝 相 糙 電 郛。 太后 不 ·得 已,乃 詔 立 溥 儁 寫

大阿哥以承繼穆宗之後而廢立之謀乃寢。

先 是, 太后之謀 廢立 也, 外 人颇 持 異 議, 太 后 意 愤甚, 日 夜 圖 攘 夷載 漪 因 共 子 立 爲 大 囫

哥, 屢 諷 各 國 公 使 人 賀, 不 應, 且 有 遊 膏, 亦 憤 甚; 大學 士 剛 毅, 夙 有 嫌 於 帝, 亦 因 丽 並 化 外 人; 卒

以 醸 成 義 和 團 之 變。 且 其 時 各 國 對 中 國 割 讓 租 借 採 鍁 築路 之 要求, 紛 歪 沓 來, 早 激 起 般

· 第一章 義和團之起

人 民愛國嫉外之思又在內地之天主教徒乘中國國權衰弱凡關於教徒與平民爭訟其宣

教師不問教徒之曲直均予以極端援助訴於駐 北京 **小本國公使** 使直 接與 總理 衙門交涉不

達其所欲不止總署避煩 地 方奸民又故投教會為 累屢飭地方官吏關 護身符以欺壓 平民。 由是各省民衆無不視宣教師 於教徒爭訟曲保 護其 利益, 免致 與 胎 累 政 教 會 如 府而 蛇 蜴,

深與義和團宗旨表同情而大難旋作矣。

本節參考書如左

梁啓超戊戌政變記卷一及卷四

王无生述庵秘錄光緒帝之幾廢

**黄鴻壽清史紀事本末戊戌政變** 

#### 二 義和團起原

義和 團或稱義和拳原出於白蓮教白蓮教之名始於元之韓林兒明之末造教首徐鴻

起事不 成; 及 清 入 關, 教徒中 途有抱 復明宗旨 者。 乾 隆末 个年白蓮教公 紛起 四 川 湖 北, 蔓 延 河

南 儒, 陝 西 甘 肅 諸 省, 勦撫 八 年, 始 歸 平定嘉慶 十 八 年, 公 歷 八一 -年 数首 泂 南 滑 縣 李

文 成, 直 隸 大 奥 林 清 等以 恢 復 明 祚 爲 名, 聚 衆 起 事, 時 震 動 畿 輔。 及 败, 其 教 被 嚴 禁途 分 爲

天 理 八 卦 派, 而 義 和 團 之 名, 亦 起 於 是 時。 義 和 團 爲 八 掛 教 之 派, 稱 義 和 門, 旋 改 稱 梅 花

攀 大 刀會 等名 目, 其 黨 仍 蔓散 各 省, 而 以 Щ 東 爲 最 多。 戚 以 隆 神 召 衆, 號 令 皆 神 話; 傳 智 時, 令

伏 地, 焚符 誦咒令 堅合上 下 -齒從鼻呼 吸, 俄 而 口 吐白 沫, 呼 曰 神 降 矣, 則 躍 起 操 刃而 舞, 力 妈

乃 此。 其神 則 唐僧悟空八戒沙僧、 黄飛虎 黄三太關帝、 郞 神 趙 子 龍 馬孟 起黄 漢 升 尉 遲 敬

德、 秦 叔賓楊繼業李存 孝、常 遇 春 胡 大海 等, 其所 依 據, 則 西 遊記 封 神 傳 國 演{ 義 }綠 牡 丹 七

}俠 {五 義 諸 小 說, 北 中 所 常 演 之劇 也。 其 兘 神 以 頂 著 地, pli 首三十六煉 術 有 渾 功, 淸 功; 渾 功 百

日 清 功四 百 日, 渾 功 避 槍 磤, 清 功 能 飛 升, 然 習 者 利 速 成, 多 軍 功 也。 臨 陣, 背 小 黄 紙 畫 像, 有 首

無 足, 銳指, 頭 四 周 有 光, 耳 際腰 間, 作 狗 牙 詰 屈 狀, 不 名 何 神, Ľ 这 下, 行, 文曰: 雲龍 佛 前 心;

火 神 後 心心 誦 咒 日: 左 青 龍, 右 白 虎, 集 龍 佛 前 Ľ, 玄火神後 心先 請 天王 將, 後 請 黑煞 神。 謂 誦

義和團力 之起

六

此, 則 出 入 槍 林 彈 ;雨之中便 可 不 爲 所 傷; 然 翻聲 未 絕, 輒 中彈 斃, 其 術 率 不 驗。

時 更有 所謂 紅燈 照者, 與之相以 輔 而 彷。 其黨皆十餘齡幼 女紅 衣袴, 挽雙 二丫髻稍! 長 者 盤

高 髻左手持紅燈, 右手 持紅 巾, 朱色 **褶疊扇易股皆朱髹始** 老孀設壞授法, 集閨 女數

環侍受法 四 + 九 日 術 成, 稱 大師 姐, 轉教他 女相 傳術 成 後, 持 扇 自 扇, 衝 起漸 高, 上躡雲際擲

燈 F, 其從嫗 拾繳 煙內。 女身 植 立 |空際 漸 化 爲 明 星較星差大 ji; 光 開 晶, 或上 或 下, 或 近 或 遠,

或 攢 聚 如 聯 珠, 或 迤浬 如 貫 魚女子 自言 能 於 空 中 擲 火焚 民 居, 呼風 助 火, 焚 無 餘, 時 民 深 信

之; 入 夜, 家家 懸 紅 燈,迎 紅 燈 照 仙 妨 也。 時 其中 最著名 者爲 黄蓮 聖母; 整言 其師 命之下山

助 義和 團。 凡煉紅 燈照 者, 均須遵 北 法旨, 如 有違的定遭天譴因是奉以為師 者, 日 見其 衆實

則 所謂 黄蓮 一里母 者乃天津侯家后妓 女本名黑兒囊 |年曾爲繩妓平時行走 江湖, 凡 各 種 攀

棒, 以 及 切 戲術, 皆能 之嗣 因 憚 上於跋涉逐; 入侯家后 爲妓與 拳首張德成等 皆係 素 識。 復因

頂 開 妓 院, 折 虧巨 款, 遂 與 張 謀, 四 處 散 布路 言, 謂 有 仙 人降 於某處 紅燈照 卽 其所 傳。 面遷

居 茅煙 中放作樣 一、经人觀聴的 服 飾 則 有 如 道家所 穿惟遍 體 皆紅, 雖底 衣 亦 以 大紅綢 爲之义

復 時 演 各 種 奇 異 戲 術。 機民 等少見多 怪途為, 所 惑各 處 傳 布, 凡 大 酮 姐 等, 均 不 遠 數 百 里 丽

往, 以 得 拜 門 下 為 幸。 見吉 四 良 太 郎 紅 燈 照 助 匪 \記。 叉 有 沙 鍋 照 者, 以 饗 神 團, 人 挾

鍋, 遇 攀 衆 戰 時, 折 薪 浙 米, 炊 飯 變之; 沙 鍋 僅 如 巨 鉢, 自言 飯 百 人 不 盐, 此 圍 皆乞丐 也, 沿 門 索

米 濟 軍, 無 敢 拒 者。 文 〈有靑燈照則的 省青年 孀 婦 爲之, 術 與紅 燈 照 相 同, 够 夜 必於 空中 升 放

燈, 以 顯 其 技焉。

義 和 團之 嗣, 成 於 黨首張德 成 曹 腷 田, 皆直 督 裕 祿 所 會奏保者也信 德 成為 白 溝 河

操 舟, 往 來 王 河 西 河 間。 時 羧 和 團 巴 傳 至 静 海 縣之 獨 流 鎭, 有 童 數 雅 方 智拳, 德 成 睨 之 而

衆 喆 之, 成 曰: 此 偽 神 拳 也。 衆 bll 其 狮, 僡 成 乃 取 秫稭, 以 黄 紙 擲 地 上, 令 衆 拾 芝, 壯 夫 數 人

不 能 舉, 摹 大 驚, 羅 拜 曰: 填 홲 師 也。 擁 之入 宅, 設 增 焉遠 近 拳 衆 爭 來 附, 遙受 節 制, 德 成 居 獨 流,

勢 甚 雄。 曹 褔 田 爲 |天 津 拳 黨 之 魁, 其 自 署 門 膀, 日 署 理 靜 津 帶 義 和 神 團, 蓋 以 本 任 周 德

成 也。 福 田 爲 天 串 靜 游 縣 人, 本 遊 勇, 嗜 鴉 片, 無 以 自 存, 乘 亂 煽 惑。 初 至 津, 登 土 城 樓, 詢 租 界 何

土 人 言 東 南 方, 卽 伏 地 向 東 南 ilu 首良 久, 起 日: 洋樓 煅 矣; 果 東 方 烟 起, 萬 隶 悚 然, 蓋 適 河

七

民 居 焚也。 旣 入 城, 商 F 跪 迎,福 田坐馬上指揮合起立, 日: 無 須 跪 也。 開筝 增合圖郡持 白

綸 無 須, 言 我 亦 飲 酒 食 肉 也。聞 洋 貨 (多被煅, 亦云 無須, 洋貨 入中 國 久, 商 民 何 罪? 津 民 以 是 尤

信 奉 之云。 時 攀 魁張 曹 而 外, 更有 李來中 者尤: 具大 志。李 陝 入, 少 長 卽 知 籠 絡 人 才, 枚 歸 之

者甚 衆。 通奇 門 奥 理, 且有深 心故 陰 謀 數 載, 未嘗發覺。 及 探 知 東 撫 鱵 賢, 悄 惡 洋 人, 遂 偕 黨 目

往山 東, 奥 王 湛 波 聯 合。 鱵 贀 喜 甚, 餽 以 牛 酒 刀 械, 李 途 煽 王 閣 族, 大 倡 教 門 團 練 之 說, 託 言 神

傳 授符咒 一靈怪詭譎 遠近 附 之。 李知 大勢 已 成急囑 其 黨 用 扶 清 滅 洋字 樣, 以 投 時 好, 5 則

歸 回 本籍, 日壽團 練以 待運 會, 無如 會多黨 雜, 途致瓊潰 曹 張 均隸李 下, 皆自 命為 洪秀 全,

而 月 曹 爲 楊 秀清, 李聞 而笑 日: 然則 諸 君將 何以位 置 不才耶? 曹答以 弟輩 不過 戲 膏, 何 敢 興

公 比; 且 洪 楊 卽 健 者又豈若公之聖武 英明, 、神盤首出 , 為天 Ŀ 人 耶? 李 乃 顧 左右 而 言 曰: 使

得 志則 毓 賢 雅 殆 卽 吾之洪承畴吳三桂乎 張曹等皆鼓掌 稱 賀。 **—** 見吉 田 良 太 郎 義 和 攀 }始

記し)

本節参考書如左

吉田 良太郎西巡大事本末紀義和拳始亂

吉田 良 (太郎) 西巡大事本末 紀紅燈照 助

勞乃宣 義 和拳 教門源流 考

#### 和團之得

年 秉衡巡撫 義和 團之禍成於載漪剛毅而始於李秉衡毓賢先是光緒二十一年(公歷 山東, 仇 視西 人山東大 有大刀會主仇 西教, **秉衡心許之坐視** 其滋長二十 一八九五

公歷一 八九 七年 大刀會在在 與謠行將焚教堂殺教士秉衡不之禁且許 為義民; 教

乞援地方官官 知秉衡 意, 不之理是年十月大刀會殺二教士德人請褫秉衡 職, 淸 廷不 允, 轉

乗衡督川。 人秉衡與毓賢交善毓賢依剛毅為護符三人皆痛憾外人, **德人滋不悅向總署爭辨乃命開** 缺德人堅謂不足蔽辜卒革職去秉衡以是益 峻拒變法光緒 年, 切

義和團之起

齒西

九

十五.

公歷 八九 九 年 毓 賢 補 撫 गा 東, 循 秉 衛之舊護, 大刀會尤 至, 會 首朱 紅 燈 倡 亂, 隨 處 奥

教 民 爲 難, 毓 賢 筋各 州 縣, 凡 教 士 來 函, 悉 視 爲 廢 紙, 曾 1衆逐高 張 保 淸 滅 洋 旗, 滋 擾 益 甚。 艞

懼, 委 濟 南 府 盧 日日 治 帶 兵 往, 會 衆 知 虛 樫 恐 嚇, 愈 事 猖 狂, 並 殺 清 兵二 + 餘 人, (傷三十) 餘 人。 然

毓 賢 不 加 懲 創, 反 欲 參昌 論, 以 統 領 袁 世 凱 與 藩 泉 兩 司 代 爲 乞 情, 始 死。 旋 叉 出 示 数 大 刀 會

名爲 義 和 團, 團 衆 肆 共 焚 掠, 教 民 被 极 者, 不 可 勝 計。 總 署 以 法 使詩 令 艞 賢 保 護, 艈 賢 均 置

問, 法 使 屢 肯 總 署乃 召 赴 北京, 以袁 世 凱 代 為 巡 撫。

菜 世 凱 旣 抵 任, 毅然 以 調 和 R 教, 緝 辦筝 黨爲 務, 出 示 剴 切 曉 諭, 先 後 至 + 餘 次之 多。 時

攀 黨 出沒於 東 昌 曹州 濟 寧兗 州 沂 州 濟南 問, 勢張 甚, 世 凱 派 員 督 隊 往 捕, 並 令 道 府 各 劚, 恐

賞 購 緝, 先 後 拘 獲 朱 紅 燈 等, 均 置之 法, 不 數 月 mi 拳 勢 大衰。 山 東 境 內 不能 容, 乃 鼠 入 直 隸, 直

督裕 禄 不 之 禁, 勢 益 蔓 延。 光緒 二十六 年, へ 公 歷 ---九 Ö  $\bigcirc$ 年 = 四 月 間, 天津 京 畿 帶, 呼

朋 引 類, 愈 聚 愈 多, 劵 廠 壇 場, 所 在 皆 有, 日 惟 向 教 民 村 莊 及 教 堂等處 尋 衅 為 事, 殺 共 人 而 焚

幾 視 爲 事 所 應 有, 無 足 重 輕。 裕 禄 亦 獑 加 崇 信, 凡 以 義 和 團三 一字名帖 進謁 者, 直 與 分庭

L

抗 禮; 筝衆 頭 Ħ, 如 曹 福 田 張德 成等裕祿! 且 公彙其名入 奏加 以考 語為 異 日錄 用 地 步, 政 府

亦優韶答之於以見當局之昧昧矣。

方拳 衆 設 壇 練 攀, 氣 勢劇 盛之 時, 値 易州 淶水 縣 鄉 尺 某, 與天主 教 徒 訟敗, 大 惹 筝

憤, 將 起焚殺之 暴舉。 教堂告急 督署, 裕祿 急 派 馬 隊 楊 稲 同, 率衆 削 往 鎭 壓。 至則 教堂 已 焚, 教

徒六 十餘 《人被殺害》 福同 諭以 大 義, 青其 狂暴卒致開 戰, 福 同 擊斃拳衆 十 八名, 餘 衆 悉散, 此

四 月 + 九 日 事 也。 翌日筝 黨復 來 襲斃十餘名至二十三月, **筝**衆悉變 装束, 衣紫 衣, 頭 腰 裹

紅 帶, 屢挑 戰, 福 同 追 擊之, 歪 \_\_\_ 村落, 伏衆 悉 起, 福同 所 統 之 騎 悉 心被鏖殺, 遂 乘 勝 進 逼 北 京。

十 九 三十等 Ħ, 連 焚 琉 璃 河 鎮長辛店 蘆溝橋 豐臺各 車 站, 並 破 壞 其 銊 道 電 線, mi 北 京 保

間之聯絡途完全斷絕。

京 保 交通 旣 斷 絕, 長 半 店 保定 之外人, 悉倉 皇走 北京。 駐 北京 各國 公 使, 強 諦 招 近 游

國 水 軍, 入 京 頀 衞 使 館, 總 署不 得已 ]許之端郡| 王載 游大怒盛, 倡 利 用 義 和 團 IJ 張 國 威 之 說。

時 軍 機大 臣樂 滁, 在 病假 中連上七奏請嚴勦拏黨載漪剛毅 徐桐 及刑 部 尚書趙舒翹 醴 部

第一章 義和團之起

尙 書啓秀等皆力持反對榮祿入朝面爭太后不得已乃派剛毅舒翹馳赴涿州諭解拳衆。 剛

毅 至涿州拳黨勒令跪香語多斯罔剛 毅合舒翹随同禮 拜, 舒翹 雖心知 其妄然以剛毅 力 貴

顯, 不敢立異。 途回 京覆命言拳民忠勇有 神術若倚 以波 夷, 夷必無幸太后信之密令招 集入

京, 召 見 大師 兄 曹 福 田, 獎其義勇 (兩宮由) 西 苑 遷入 大內自 瀛 秀門 至 西 華 門 沿途 排 刻 筝民

頀 衞, 太后賞 銀二千 ·兩慰勞有· 加於是親忠 貴 爭 相信 從設 壇 建 醮, 棚 場 殆 編, 香 煙 滿 城, 結 爲 黑

霧王公府第大公主邸皆招拳衆入居之謂之保護滿漢各營卒亦居大半都中數萬來去如,

蝗大局遂不可收拾矣。

本節參考書如左

羅惇勵拳變餘聞

李杕拳嗣記奸臣誤國

吉田 良 太 鄓 西 巡 大事 本末 紀 東 撫袁 慰 帥 勦 匪 話

吉田良太郎西巡大事本末紀拳匪焚毀京津鐵路記

## 四 朝議之爭持及北京大焚殺

義 和團旣得勢焚掠時聞直隸提督聶士成率武衛全軍拒之於落堡殪其黨四百八十

餘人載獨等大怒旋下旨賣士成過激命返蘆臺五月十三日召董福 祥率 甘軍 一移紮京:

四日命載漪管 理各 國事務衙門啓秀溥與 徐桐 等均在總理 理各 國 事 務 衙門大臣 上行 走,

權 悉落排外派手初董屬 **祥為甘肅提督於光緒** 二十四年(公歷一八九八 (年).入京 其部

**衆曾加害外人至是各公使要求董軍屯於距京五十** 里以外地董深憾之故甘軍之排外與

拳衆無異十五日日本書記杉山彬出永定門·福祥遣兵殺之裂其屍於道同時拳衆於右安

門焚教民居無老幼男女皆殺之機焚順治門教堂城門畫閉北京大亂正陽門外商場,

城最繁盛處拳衆縱火焚四千餘家數百年精華盡矣。

時拳衆横行莫敢捕治載漪等倡言圍攻使館盡殲之太后召大學士六部九卿議諸臣

第一章 義和團之起

相 顧 逡 巡, 英 敢 先 發。 部 侍 郞 許 景 澄, 省言 中國 奥 外國 結 約 數 十 年民 教 相 仇之事 無 歲 無

之,然 不 過賠 償 而 止; 惟 攻 殺 外國 使臣必召各國之 兵合 illi 謀 我何 以禦之? 主攻 使 館 者, 將 置

宗社 生 靈於何地太常寺卿袁昶力言拳匪 不 一可特外費 必不 可開殺使臣悖公法 聲振 

太后怒目視之太常寺少卿張亨嘉亦力言拳匪宜勦亨嘉語雜閩音太后未盡 晰, 姑置之。 倉

場 侍 郎 長 苯, 在亨嘉後大言曰此 義民 公也臣自通州 來通州 無義 民不保矣載漪 載 濂, 均言長

苯 言義, 人心不 可 失帝 日: 人 心何 足 恃, 徒滋 亂 耳, 夫 喜談 兵, 朝 鮮 役, 朝議 皆 主 戰 卒至 大

挫, 4 諸 國之 ~強十倍· 日 本, 若 徧 啓 景, 必 無俸 **一全載漪言董**語 褔 祥 善難, 勦 回 大 著 勞績, 夷 腐 不 足

僇 也。 帝 言 腷 祥 驕 丽 難 馭, 各 國 器 利 而 兵精, 部之比。 帝自 戊 戌 幽 閉 後, 見臣 Ι, 恆 循 例

非回

兩 言 丽 止, 絕不 言政: 《治是日》 獨 峻切言之蓋, 知啓釁必足亡國 也。 侍講 朱祖謀班 在 後, 力言

稲 祥 無 賴 萬 不可用若 必命將則袁世 凱 可, 拳匪亂民必不可用載漪叱之載 粉語 狂 恣, 帝

然 Mi 止, 廷臣 皆出; 載漪 剛 毅合疏言義民可恃其術甚神雪恥強中國在 此 舉。 聞者皆歎 息,

然皆 畏 **涮臭敢言云**。

各 使 館 旣 紛紛 乞拨, 然兵 少不 敢進, 至 落 堡而 還太后 復召 見大學士六 部 九 卿 議, 帝 謂

我 國 積 糑 至 此, 兵不 足 戰, 因 亂 民 以 徼 倖 求 勝, 庸 足 恃 平? 載 漪 謂 義 民 攄 忠 憤 以 衞 國 家, 不

IIII 用 之以 雪 國 恥, 乃 目 為 亂 民 而 誅 之,人 心 失, 將 不 足 以 縞 國。 帝 謂 亂 民 皆 烏 合 耳, 各 國 兵利,

亂 民 豈足 常之奈? 何 以 民 命 爲 戲? 太后處 載漪 辨 躺, 乃 問 戶 部 倘 書 立 山, 思得 言 以 助 載 漪。

立 山 謂 攀 民 雖 無 他, 然 其 術多不 效。 載漪 憤然, **广立** 山 與 夷 通, 太后 兩解 之。次 日, 復 開 御 削 會

譏, 載 漪 請圍 攻 使 館, 殺使臣 内 閣 學 1: 聯 元, 力言不 可載 漪武 爲 懐貮 心, 太后 怒命 斬 聯 元, 左

右 力 救之 而 止。 大學 士王文韶言士 中國自 甲午 ·以後, 财 壶 一兵單, 今偏 與各 國際 製衆 寨 強 弱, 腳

然 不 侔, 將 何 以 善 其後, 願 太后三 思。 太后 怒而 起, 帝 持 許 景澄 手 mi 泣 曰: 人 死, 不 足 惜, 如 天

下何? 太后 陽 慰 解 之。

太后 旣 罷 朝, 篴 決 意 主 戰, 胾 漪、 載 勳、 載 濂、 削 毅、 徐 桐、 崇綺、 啓 秀、 趙 舒 翹、 徐 承 煜、 王 培 佑, 又

力贊 之, 因 下 韶 褒 拳衆 為 義 民, 給 內 帑 + 萬 啊。 載漪 於 胍 H 設 增, 晨 夕虔 拜, 太后 亦 洞 之 禁 中。

城 中 焚劫, 火光蔽 天月 夜 不 息, 車 夫 小 Ĭ., **棄業從之近邑** 無 賴, 紛 趨 都 下, 数 + 萬 人。 旋 派 載 勳

義和國之起 ·

十五

十六

毅 爲 總統比於官軍然筝衆專殺自如載勳剛毅不敢問都統慶恆一 家十三 П, 皆 死; 載漪

素雕 慶恆, 不能 庇 **此也尚書立山**了 不附載漪 侍 郎胡燏芬 學士黃思永通 永 道沈 能虎 皆以 談 洋

務著 稱拳 衆皆欲殺之燏芬逃館虎以賄免立 山 思永 並下 一獄指爲通夷 編修杜· 本崇, 檢討 洪

汝 源, 主事 楊芾皆指公 爲教民被傷幾死太后 渝各 國 使臣, 入 総理 衙門議 德使 克 林 德 先 行, 載

漪令 所 部 虎神 營伺 於道殺之後, 至者皆折 回, 徐桐崇 綺 聞之大喜謂 夷 香誅, 中國 強 矣。 太后

旋 命 董 鬸 群及 武 衛 中軍攻交民巷拳 衆助 之披髮馬 步, 升 屋 丽 姚 者 數 萬 人, 聲動 天 地, 攻 月

餘, 不 能 下, 武 衞 軍 死 者千人武 衞 軍 與 拳 衆 混 合, 恣意 劫掠, 貝子溥倫 大 學 1: 孫家 雅 徐 桐, 尙

書陳 學 棻, 閣 學 胎穀, 副 都 御 中會廣變 太常 張 邦瑞, 皆 被掠, 僅 以 身免徐桐 胎 穀, 皆 附 和 衆,

亦 不 免 也。 溥倫 等爭告榮祿 榮祿 不 能制民 居 市 廛數里 焚掠 **李**。

本節參考書如左:

羅惇曧庚子國變記

黄鸠毒清史紀事本末拳匪之亂

李秋筝禍記拳黨橫行李秋拳禍記政府被惑

### 第二章 聯軍陷京津

### 一大沽礮臺之陷落

初京津鐵道破壞之時駐京各國公使恐形勢不穩各向停泊大沾之各國軍艦請派兵

入京以資保衞英國東洋艦隊司令長官薛慕爾 以五 月十四 日率英美 俄 日 德 奥意 法 八國

之陸戰隊二千餘人由天津鐵道 向 北京進 發。同 日至楊村以鐵道 破壞, 随行 隨修, 颇 形 狼 狽。

五人直 翌日黎明筝衆約 逼火 車, 持矛猛刺聯 百人· 來襲被聯軍擊斃三十餘名十八日開, 軍急發槍殺百餘人 **拳衆始退午後至落垡汲水英兵為拳** 軍 至 郎坊拳衆復來襲殺 衆所 意 兵

圍薛立喚英俄日法兵馳救拳衆不能支斬其百餘人獲大捷十九日拳衆破楊村以南之鐵,

道, 以斷聯軍與天津之聯絡而聯軍途困於楊村郎坊問成進退維谷之勢。

方聯軍之被困也同時拳衆攻天津租 界各國停泊大沽軍艦之海軍將校乃協議決定

於中國 財 產 佔 爲 大沾 政府進軍。 目 府, 的, 曔 耿 臺, 平 以 為 . [ ] ] 和 之防 制 勝 **今次** 地步() 禦 態度。 進軍專以討伐義 時 <u>-</u> 各將 目 校 下 協 時, 本 議, 和團 國 决 尚 定方 爲目的。 與 中國 針: 政 لبت 府保 四 我 全和 為 等以 保 平, 保 護同胞生命 故 韼 我等 同 胞之 動, 決 财 非 生 產, 肴

交通 中國 不 遮 政 斷 剿討 時, 須 得 **拳黨若中國政府不** 政 府 之同 意; 又關 於各 . 列 國 當剿討之任。 般利 害 時, 取 共同 五 <u>\_\_</u> 我 致之主 等之行 義一六 限於

剿討

國

自

助

切, 各國 之時, 定; 膀, 須 談。

事 彦 中 務 國 迫 近 無 榯 外 暇 奥 交 史 本 國 八 商 國 聯 謀 軍 入京 我等以協 之論。 」 ) 二十 議 決 日, 有 暇 聯 署 須 致 書 奥 本 曔 臺 國 海軍 守 將 長官商 羅 榮 光, 略 謂: 見劉 貴 团

兵 來 者 日 泰臺 上又添 置 巨 礮, 如 此舉 動, 於 我 西 人 代 平拳亂一 事實 有 不 便, 因 諦 將 貴 畷

以所 暫借 請不 敝軍 得要 看 守限期交臺而榮光答以非直督命 領, 同日午後英俄陸戰隊各二百名德百餘名日本三 決 不 將礮臺讓 奥, 、若欲 百餘 強 要即行 名, 礮 擊。 各 陸。 团

皆

由

塘沽

登

夜, 聯合 艦隊, 亦 基 向 礟 臺 前 面 發 礮, 典 陸 戰 除同 時 進攻。 大沾 礟 臺, Æ 白 河 口 南 北 驇 田 之

北 岸歌 臺有二稱第一 職臺 第二 一職臺; 南岸日· 南 **酸臺是地為** 水 道入 京咽 喉內 港 外 港, 阻

海軍將京津

十九

右作 職臺 險 昰 馭 者甚多其餘力不能支紛紛遁去而海容巡艦與魚雷船四艘亦俱爲英軍所奪此二十一日 領於是日軍據第一廠臺英軍據第二<u>廠臺俄</u>德軍據南岸破臺清兵在臺者約萬人 面俄兵當第一線英德兵當第二線日兵當第三線然自塘沽至大沽路皆泥淖艱 一登臺, 也。 近洵為天然要陰所謂一夫當關萬六莫入者也時陸戰隊聞破聲途進攻第, 可 縱 復 守, 第一 港外有洲水極淺離臺尤遠滿潮時亦不過六七尺輪船入口頗非易易兵艦尤不易, 除, 彈 衝英俄 九雨注第一線第二線兵皆逡巡莫敢進惟日兵奮勇爭先以野破二 **酸臺途陷旋據第** 德兵 丽 前直達破臺下英俄德兵見日兵之勇亦相繼漸 ----**酸臺猛攻第二酸臺登時下之而南酸臺亦爲** 他進日兵殊V 陸戰隊所佔 門為 酸臺 於 受彈 少分而 中 死 戰, Ľ, 之背 死 左

郎 路, 坊 大沽敗 水陸俱窮且法軍乏糧他軍缺彈藥惟回津之計可行而津道亦毀乃以傷兵置 間二十二日董福 報達北京排外黨大怒途公然與拳衆聯合時薛慕爾 **祥率** 甘軍攻楊村, 戰半 時敗退薛 慕 爾以董軍與 所率 拳衆, 之聯 軍方困 分 扼前 於楊村 後, 舟輜 進京

事

别 置三舟軍士則遵陸徒行美兵在前德兵為殿水陸並下行際聞天津破擊隆隆不知

界會否破陷軍士憂之比晚宿田問二十四日, 復起行美軍報前村有紅旗, (未轉瞬) 槍彈已

聯軍開破清軍還擊傷聯軍後隊數人復前行又遇清兵盤踞左近村莊為 聯軍 蟿 退二十二 五

日清廷下詔宣戰聶士成 軍即於是 日 拒 辞幕 H 軍 於 北 倉 南倉間 薛軍苦戰三時 死 傷甚

卽 夜寨: 北倉, 依白河 堤而 退二十六日薛軍占據 西 沾 堡壘閉門不 應 心戰而聶軍立 · 攻之益急 薛

慕爾 乃遣人告急於大治大沽聯軍隨派俄兵二千英兵一千五百德兵五百赴援途中遇 土

成軍且戰且進二十七日抵西沽與醉慕爾軍會六月一日聯軍攻北洋機器局占領之奪武

庫 **槍礮焚火藥庫率全軍退還天津租界然薛慕爾軍自五月十四日出發至是已半閱月矣**。

本節考參書如左

李秋拳禍記大沽失陷

李杕拳禍記薛軍敗績

**吉田良太郎西巡大事本末紀聯軍攻陷大沽礮臺記** 

第二章 聯軍陷京津

## **劉彦中國近時外交**史八國聯軍入京之嗣

#### 一 下韶宣戰

先是拳勢之方熾也首禍諸人叫嚣桀突九卿科道紛紛陳攻館之策知府曾廉編 修王

龍文獻三策乞載漪代奏攻交民巷盡殺使臣上策 也廢舊約令夷 人就 我範圍, 中策也若始

戰終和與衝壁與櫬何異載漪得書大喜曰此公論也尚書啓秀言使臣不除必爲後思五台

僧普濟有神兵十萬請召之會殲逆夷舒廉王龍文請用決水灌城之法引玉泉山水灌館 必

**盐淹斃之學士彭靑藜御史劉家謨請詔義民所至按戶搜殺以絕亂源御史彭述謂義和** 筝

咒礮不燃其術至神無畏夷兵徐道焜言洪鈞老祖已命五龍守大沽夷船當盡滅。 陳 嘉言 謂

得關壯繆帛 書, 言夷當自滅編修蕭榮爵言夷狄無君父二千餘年天將假手義民盡 一
数
之
時

不可 失郎中左母 紹佐請像郭嵩燾丁日昌之屍以謝天下主事萬秉鑑謂 曾國 藩辨 天 津 教 案,

所殺 十六人請議卹當時上書言神怪者以百數廷臣附和者既衆載漪途令攀衆燒順治門

#### 也其文如左

肆其猖 十年來恃我國仁厚一 兵堅器利 自取決裂如 我 蝉, 國亦子仇怒鬱給人人欲得而甘心此義勇焚燒教堂屠殺教民所由來也朝廷猶不肯 财 年 日復公然有 赤子之渝, 間, 如 物朝廷稍加遷就彼等負其凶橫日甚一。 削 俯 我 獗震動發輔平日交鄰之道我未嘗 保護者恐傷我 准 朝二百數十年深仁厚澤凡遠人來中國者列祖列宗罔不待以懷柔迨道 彼等互市並乞在, 杜士立 原為 民教解 照會介 ,此乎股臨御將三十年待百姓如子孫百 意拊循乃益肆梟張欺陵我國家侵犯我土地蹂躏我人民勒索, 人民耳故再降旨申禁保衛使館, 释宿 我 我國傳教朝廷以 退出 嫌朝廷柔服遠人至矣盡矣乃彼等不知感激, 大 沽 口 日無所不至小則欺壓平民大則侮辱神聖我, 失禮於彼彼自稱教化之國乃無禮 其勸 人為善勉允所 看管否: 加邮教民 則以力襲取 姓亦戴股如天帝况慈聖 故前 諦。初 日有筝民 亦就 危詞 反肆 我範 橫 恫 行, 喝,意 要挾, 教民, 圍, 光 事情 高豐 距三 在 昨 背 開 我

干戈以 退縮, **憤**朕有厚望焉。 中 愾, 人 詢 謀 廟, ) 敢死。 ·奥宇宙 慷慨以誓師徒與其苟且圖存貽羞萬古孰若大張撻伐一決雌雄? 陷 T 甘 心 從 逆 が 陣 **僉同近畿及山東等省義兵同日不期而集者不下數十萬人至於五** 即土地廣有二十餘省 衞 衝 鋒抑或仗義捐資助益饟項朝 · 社稷彼尙祚謀我恃天理彼憑悍力我恃人心無論我國忠信甲胄禮· 恩德所言 **党作漢奸**的 被浹髓 (即刻嚴誅) 淪肌祖宗憑依神祇威格人人忠憤曠代所無朕今涕! 人民 多至 決無寬貸彌普天臣庶其各懷忠義之心共洩神人之 廷不惜破格懋賞獎勵忠勳茍。 四百餘兆何難 剪彼兇燄張國之威其 連日召見大 其 元尺童子亦. 自 外 生成, 有同 義干 淚 小臣工, 以告 車調 仇 知 櫓, 敵 執 先

右 **韶以外人索大沽為詞而大沽則已於先二十一日失守羅榮光至天津仰藥死然直** 

相 仇 之故, 竟至決裂恃其堅甲利 兵攻我大沽 酸臺叉由紫竹林 分道 出 戰。 經裕 祿 四 處 分應, 督

裕

禄,

竟以

大捷報太后及載漪皆喜發帑金犒將卒並詔我華

與各國

和

好有年乃因

民教

我義民竭 力相 助以血肉之軀與槍礮相薄二十一二十二二十三等日擊壞 兵船 兩艘殺 敵

不少衆志成城民心既固兵氣亦揚所有助戰之義和團人民着先行傳旨嘉獎餘俟事定後,

再行加恩爾團民等當同心戮力禦侮效忠始終勿懈朕有厚望焉又詔現在中外已開。 戰量,

直隸天津地方義和團會同官軍助戰獲勝業經降旨加獎此等義民所在皆有各督 如 能 招

集成 緊通論知之云云京津相距咫尺而閱蒙若是宜終至於僨事也。 圍藉禦外侮必能得力如何辦法迅速復奏沿海沿江各省尤宜急辦將此由六百里加,

本節參考書如左:

羅惇曧庚子國變記

吉田良太郎西巡大事本末紀卷一

佐原篤介學匪紀事卷一卷二

二 南省保衞及排外風之蔓延

北京之戰局既開東南各省督撫洞悉大局者均以保全本省之安寧秩序爲務不與聞

第二章 聯軍陷京津

戰 不 奉 事。 山東為拳衆 行; 部 下 軍 在 發源 直 妹 者, 地, 巡撫袁世凱素持剿討主義凡預固黨所 悉召歸本 省, 任保 護外 人剿討拏衆之務。 奏請悉視爲僞 兩 II 總督 劉 坤 政 **-**٠, 湖 府 命命, 廣 總

督 張 泛洞, 兩廣 總督 李 鴻章, 閩 浙總 督 許 應 騤, 互 相 協 議, 视 Fi. 月 二十 四 H 以 後 乏上 渝 縞 偽

認, 不 應命, 各省 致, 以 IE 式 公文通 知 E 海 各 國 倾 事 傳。 並 由 坤 聯絡. 之洞, 派 F 游 道 員 余

聯沅與各領事商訂保護南省商教章程九條其文如左

)上海道臺氽現 奉 闸 洋商 憲劉, 兩湖督憲張電示與各國駐滬領事官 會商 辦法。 LE.

海租 界歸 各國公同 保護長江及蘇杭內地均歸各督撫保護兩不相擾以保全 中 外 商

民生命產業爲主。

二)上海租界公同保護章程已另立條款。

長江 及蘇 杭 內 地, 各 國 商 民教 士 產 業, 均 鯞 南 洋 大 臣 劉, 兩 湖 督 港 張, 允 任 切 實

**謎。** 並 移 知 各省 督 撫, 嚴飭 各該文武官員一 體 認 眞 保 、護現已出 示禁 止遙 言, 嚴 拿 匪 徒。

四)長江內地 中國兵力已足使地方安靜各口岸已有各國兵輪者仍照常停泊, 惟須

約束水手人等不得登岸。

五)各四 國 以 彿 如不 待 中國 督 撫商允竟自多派兵論駛入 長江等處以致百姓懷疑豬,

端啓뮟燩壞洋 商教士人命產業事 後中國不認賠償。

六)吳淞及長江各礮臺各國兵輪切不可近臺停泊及緊對礮臺之處兵輪水手亦不

**酸臺附近地方操練彼此免致誤犯**。

可在

(七)上海製造局火藥局 一帶各國兵輪勿往遊弋駐泊及派洋兵巡捕前往以期各不,

相 擾。 此局 軍火專為防剿長江內 地 上匪保護中外商民之用設有督撫提用各國, 一班庸

簡疑。

八) 内 地 如 有各國洋教士及遊歷各洋人遇偏僻未 **次經設防** 地 方切 勿冒 險 Ħij 往。

九)凡租界内一切設法防護之事均須安靜辦 **河型切勿張: 华皇以搖人** 1,0

右 約而外更訂有上海租界公同保護章程十條。 租界內華 人以及產 業應由

各國 巡捕 保護租界外洋人教堂教民應由中國官妥為巡防保護遇有驚急之事互相 知照

柳軍昭京津

二十七

各路界 安辦。 方官從重嚴辦。 工程城內 地方流氓 則合疏通河 現因各處商貨停滯各項小工傭趁較難擬請租界工程 土根遇有聚衆滋事或搶刧傷人無論華洋地界均須一 道,道龙 由道臺挑選精壯充當勇丁, 務使閑民有事可 局添辦 律嚴 做消 拿, 患 新 交地 無 擴

大宗, 形。 四 而 錢業須賴 添辨 各 項 銀行 I 一程及添募勇丁 零折 轉輸若 銀行 ·口糧, 不照常 中外官商公議捐助章程。 零折, 或到 期收銀迫 歷錢 了 拓. 市 L\_\_ 滬 有擠 市 以 倒, 餞 各行 業 爲

生意, 必皆窒礙, 市 面 壞人心卽震動不安應請會商, 中外各銀行東及錢業董事互 相 通 融

緩急務使健行可以支持.「六」 鈔票應照舊行 用祇須道臺會同各領事出示曉諭, 聲明 各

行 票本收銀搭幾成鈔票由各鑢業照付「七」 和界內外各戲館應合照常開演不可停歇,

以惑 人聰。 一八 租界內救火章程 甚備租界外浦東亦應仿照多備救火器具。 (若有· 火警附

出示 近居 曉諭。 民不 可 亂 九 動, 租 界巡 面 曲 捕, 火 應請添募 會分馳往救 畫 一面 夜 輪 流 分 梭巡, 派 巡捕 大 /小街路: 英丁, 分班巡護認 均有巡! 捕, 城廂 眞 彈 壓, 内 應請 外, 以 及浦 先行

東南 市, 亦應添募巡捕多派員 (并分班輪) 流巡查。 + 查 明 租 界四 至出入 總散路 徑租界

內 邊 地, 則 由工部局於各要路多派巡捕每處若干人建造捕房常川駐守望瞭界外倘 有

摹來 界亂 人, 卽 鳴 警鐘, 知 會總局, 派 捕 抵 攔。 租界外 **邊** 地, 則 由 華官派 (兵搭盖) 棚 帳, 常 川 射

勿令 成拳亂 人闖 入 租 界 以 内。 見字杕 }拳 禍 記 南 數省相 約 保 頀 約 初 成各 方路 蜂

起**,** 人 八心遑遑, 不安 枕 席, 乃由 上海 道余 出示 安民, 路問茲奉 兩江總 督 南 洋 大 臣劉, 兩 湖 總 督

 張電飭酌議 上海 長江 内 地等處 保護章程, 與外國各領事 會商辦理茲 准 本 埠領 袖 西 洋 總

領 事 函, 現駐大沽各國 水師提督 已示渝 地方遇險之外人 各領

事 願 再擊明。 个劉張兩 督憲按照約章力保該管省內一 切 外國 人 利 權, 始終 無傷各日 國 至意。

爲 此 出 示 曉 渝, 仰商民 等一 體 知 悉。 埠 城 廂 内 外以及租界均有 華洋 兵丁, 各分 界限, 按段

巡防, 密 加保 頀, 遇 流 氓成 拳肇 事, 立 卽 會 同 拿 辦, 决 無意外之慮。 爾商 民 人 等愼 毋 惑 於謠

言,紛 紛 遷 徙, 致遭 匪 徒 劫 掠 之嗣, 自 贻 伊 戚後悔難追 云云同 時又 恐 民 心 驚 悸, 视 官 渝 将 具

文, 由 駐滬 各國 總領 事官, 出示 曉諭, 重 申 水 陸 兼 《防中西合· 力之旨 由是民 心始 定雖 南 省

民, (私人暴動) 殺害外人之舉尚未能絕而真正排外團體終不發見即外國宣教師及商民

**林** 军 图 军 本

領事等亦安之岩素焉。

至 此 外 北 方 谷 省, 則 與 育 省 迥 異, 北 京 天 津 大 沾 縞 戰 場, 問 不 俟 論。 餘 岩 直 絿 織 平 縣

官

民, 生 埋宣 教師 名, 掘宣 教師 墓投 'n 中; 景 州 教 民, 多 被 攻 殺,京 正鐵 道之 技 師 與家 族, 大

拳 衆 襲擊; 大名 元 城南樂 諸縣 之官 教 師, 大受虐 逃。 山 西 因 艈 賢 為巡 撫放 排 \* 特 甚, 太原 殺

外 國 男女 14 + 名, 汾州 殺 教 師 以下 十名, 河 津 殺 教 師 家 族 七名, 大寧 殺 女教 師 三名, 孝義 殺

女 教 師 名, 忻 州 殺 外 人 -}-餘 名, 韶 化 殺 教師 以 下 + 四 名, 隰州 殺 教 師 名曲で 沃 殺 教 師

名, 教 師 家 族三 名, 和 林 格 阚 城 托 克 托 城, 共 殺 外 人 與 教 民 千 Ħ. 百 餘 名。 此 外 大 谷 海 遠 呼 崩,

皆 有 殺 害。 盛京 殺 外 國 教 師 M 名, 1/1 圆 教 師 三, 副 都 統 督 兵焚 天 Ŧ. 教 堂, 追 逐 教 民 惎 棃。 义

齊齊哈 阚 殺 敎 師 名, 呼 剩 城 殺 教 爺之頭, 懸於 腐門, 巴彦州 殺 教 師 二名, 掘 + ---车 削 数 師

焚教 堂三 所, 教民 多人。 蒙古搭拉特 干, 殺教民 八百 餘名, 喀拉 善善 驅 逐 天 主 教 尺 出

境。 其 他 以 排 外之 故, 偶 然鬧 教, 卒致 教 師 被殺, 教堂被 **| 焚教民受害者** 比比 皆是, 亦 云 酷 矣。

本節參考書如左

李杕 拳 禍 記 南 數 省 相 約 保

李杕 增補 拳 匪 禍 教 記

佐原篤介拳匪 紀事附教士受難記

#### 四 天津失守

初, 拳變之起也日本外務大臣 **青木周藏视為奇貨蓋得出人兵援北京公使館** गाः 彼以

地 近 為惟 之 便 利 國 心時 靑 木 以旧 兵。 復 對此 事, 宜 與 英 國 同 访 動 為 得 策, 乃 命 馬上 英 日 使,

俄德二 會英 國; 惟俄 雖對成德則反對, 得其承認日途決 然恐 日本出 恐他 兵得特 別 樤 請英 利, 蒯 意 所 間 特為 限制 則 英 也。 及北

再

照

政

府,

議

派

國

見

疑,

因

政

问

各

國

周

旋,

乃

照會

與 天津和界村 被拳衆圍攻益急英途不顧德之異議屢促 日本出兵 並許 以 財 政 Ŀ 之

援.原助。使的 助於是日途先後 派兵至大沽, 以福 島安正為司令長官伴第 次派 以遺隊於五 三 月二十七

日 抵站六 月三 日抵 天津。 時中國兵之在津沽附近者有直隸提督 品士成· 之武 衙前 軍二十

柳軍陷京津

三十一

五營, 浙江 提 督 馬 玉 崑 之武 衞 左 軍 十 五營, 天津 總 兵羅榮 光 敗 退之兵約三千總督, 裕 祿 直

位。 轄之兵約 至六月中 二千, 旬, 日本第二次派 兵力 甚 厚, 聯 軍 遣 尙 隊, 不 與俄英 敢 輕 進, 法美之增援 且 屢 被 聶 士 軍, 成 漸 馬 次 无 崑之軍 抵 天津, 各國 襲擊, 兵總 但 立 一於防 數, 達 禦 萬 地

四 千人始 一變計畫 於六月十七日為 天津 一之總攻 整。

六月十六日 聯 軍 開 軍 事會等 議, 令 福島安正提出作: 戰計 畫: 兵, 及

兵之 一隊由淀河 北岸進攻清軍 左侧, 、旧軍司 近 偪 水 師 營附 近之礮臺 又以日英 以俄德二 法 美四 國 國 兵, 法 西

進 偪 南 門衆 皆然之遂於十七 日 早三 時, 兩 軍 並 進。 英法 日 美 兵分三 翼右 翼 爲 法 兵, 沿

牆 前 行; 左翼 爲 英美 兵自 東 樓 方 面 削 行; 中 翼 爲 日 本 兵尾 以 步 馬 各 隊, 用 防 淸 兵 自 後 襲

整。 時 橋 梁 已 斷, 聯 軍 不 能 渡, 立 飭 I 兵 架 橋, 直 向 海 光 門 丽 前。 淸 兵由 城 上 簽 礮, 直 中 日 軍, 彈

如 雨 注, 旧兵列 陣 遠 擊。 無何英法 兵亦 至, 相 助力 戰, 奪步 丽 前, 直 偏海 光 門。 至南 門大 街, 分 道

排 立, 一日兵作· 中 隊, 法 兵作 右 翼英 **汽兵作左翼** 美兵為法 兵之右翼! 同時 攻擊。 七時 許, 聯 軍 攻

南 清 軍 力 拒不 能 **贴進日乃兩**公 分 其 軍, 互 相 庇護, 直 向 城 門。 白 神 光 門 至 一南 門,倘 里 其 間

道 路迁 曲, 加以大雨之後泥土濘滑濠溝積水徒涉爲艱。 日兵奮勇前 進城守兵亦勁鬬, 殊常, 無

蟿 斃 日 軍官 數人, 士卒死傷甚衆聯軍載攻載進偏 近城門躲台 (身土屋中) 與清 兵接戰, 城 河

梁不 · 得渡, 入 人夜日5 兵乃退 至海光門英法 兵隨之暫事休 息十 八 日 昧 爽, 日 兵 架橋 以 渡, 直 抵

城下以火藥 裝置 城 門 Π, 轟之下5 -城門已裂日 兵 湧 而 進。 然 佝 有內 城 日 兵 或 升 屋 而

或 梯 牆 以登, 清兵桀石 亂 投, 不能 阻 止。 未 旋 踵, 旧兵已 登 城 Ŀ, 清 兵 紛 紛 奔散, 日兵遂 斬 糊 而

入, 樹日旗於鼓樓後英法美三 國 兵相 繼入城分道樹旗驅逐清兵格殺無算至沿淀河 進

之俄德二國兵十七日尚未至水師營十八日早屯天津車站之日兵探知天津城陷中 國兵

**皆遁走途急攻水師** 營附近 一酸臺與海門 關道 一衙門及俄德二 二國兵至時已悉為 日 軍 占 領 矣。

軍 入城 後, 日據 南 門法 據 西 門,俄 佔東 門英美等國 各 有 地址。 時城 內 清官 吏 多 遁 去 各 國 因

同 設 都 統 衙 門,暫 理 民 衆 事 務以 美 人 丁嘉 烈 爲 漢 文司 員, 凡 有 詞 訟, 悉 由 其 審 斷, 惟 供

役仍

用 中 國 人。 復 假 手 於 本 方 紳 **董**, 税銀, 聚捐 項, 經 費 所 需, 頗 能 相 抵 云。

初, 聶士 成 奉命勦撫 拳 衆, 多所誅戮拳衆大忿訴諸 朝, 奉旨 申 **斥及大沽陷落後士成任** 

天津 南 方防 禦 頗 著戰 續, 而 攀 衆 《恨士成甚》 武品 軍通夷朝旨又嚴督之士成殊憤謂 Ŀ 不諒

於朝 廷,下 -見逼於拳衆世 非一 死無以自 明每 戰 必親 陷 陣。 日, 戰 方酬, 筝 衆 獬 入 其家, 数 北 母

妻女以去士成聞報分軍追之部 下新 練軍一 營多通攀衆見聶軍追急大呼聶軍 一反齊開! 槍

横擊之士成內外受敵被數創壓其軍還攻拳衆而自突戰於八里台 期死敵, 壓下 執轡 挽之

回, 士成手刃之將校知不可回乃隨士成陷敵陣士成中數彈裂腸死士成死三日而天津陷

焉。

本節參考書如左:

劉彦中國近時外交史八國聯軍入京之禍

李杕攀嗣記津城失守

羅惇飍拳變餘聞

五 聯軍陷北京

天津 陷後, 聯軍欲逕攻楊村然恐衆寡不 敵擬俟援兵上陸然後進擊楊村帶白河, 連 鐵

逍, 京 津 間 形勢 地 也。 津 城 既 陷, 提督 宋慶 馬玉 崑, 總 兵 何 永盛 呂本 元 各 軍, 約二 萬 人, 分 屯 北

倉 楊 村 間, 而 值 督 亦 自 駐. 楊村六月十 末 未 各 國援 軍, 摲 次 由 大沽 上陸, 聯 軍 會議 進 軍 方 略, 以 欲

攻 楊 村, 須先 破 北倉, 議定 分軍 為二, 沿白河 北 岸, 夾 攻北 倉。 英美三 國 兵為 軍,攻 北 倉 西

北 面; 俄法德奥意 五國兵爲一 軍攻北倉 束 面; 而日兵更分一 支隊沿白河 河攻 北 倉南 面。 七 月

+ 日, 各 隊由 天津 出發。 十一日日英美軍 先攻 北倉 西南 之火 樂局, 破之旋復攻陷韓家墅, 乘

勝 攻 北倉後 面。 時 旧軍 支隊亦 至, 兩 軍 南 北夾擊, 淸 軍 上大潰北倉**遂**2 **险陷先是清軍** 跨 白河 沿鐵

道, 作 直 線 防 澳引白河" 水, 汎濫 東方故俄法德與意 軍, 恰 遇 河 水 陡漲, 不 克 前 進,故 北倉攻 破,

叉 以 日 兵為 首 功。

翌 日, 聯 軍 進 擊 楊村, 英美俄 法 軍, 沿白河 左岸 進, 本 · 除沿右岸進。 楊 村 清軍, 少 戰 卽 走,

日 軍 未 至, 巴 被聯 軍占領十三 一日日軍以 一支除破南蔡村占據之直督裕祿 自 盡。 先 是,

北 倉, 相 **機陷落糧臺輜重均** 退至楊村裕祿宋慶亦駐紮是地。 十三 日, 聯軍 進攻 楊村, 馬

聯軍陷京津

三十五

一替隊抵 禦。 正 酣 戰間忽開 花廠 飛入行營傷裕祿前胸戈什哈等扶上 坐車擬送通州

傷, 甫 出 村外即 因傷 而 死, 随 至. 蔡村 具棺 小殮, 用 舟運至 通州。 見吉田 田良太郎 西巡 大 事

末紀 裕李 兩 帥失機 死難 記 )自 是聯 軍 沿 白河 進河 西務占領張家灣 勢如 破竹。 初巡視

長江 水 師 李秉衡 奉命 入京 太后 召 見寧壽宮乗衡 力 主 戰; 且 言義民 可用, 當以 兵 法 部 勒之。

太后 大喜逐命 總 統 張 春 發 陳 澤霖 萬 本 華 夏 辛 四 四 軍。 及 北 倉 楊村, 相 繼 陷 落, 命 秉 衡 前 往

河 西 務 视 師。 乘衡請 拳衆三千 人以 從。 親 拜 其 大 師 兄各持了 引 魂 旛混天大旗雷· 火易、 陰陽 瓶、

九 連 環、 如意鈎火牌飛劍擁秉衡 而 行, 謂之八 質及戰春發本華敗於河西務死者十之五六,

潞水 為之不 流。 零霖自近清 移營聞嘅 聲全軍皆潰秉衡走通州自以全軍皆失無以 對朝廷

乃於十七日自盡聯軍遂陷通州。

通 州 失守, 李秉衡 自 殺之 報 至 北京, **清廷** 大 震。 時端 郡王 所 率之神學 機營及虎 神營董 腷

解 之武 衞 後軍, 榮祿 之武 衛中 軍, 及 其 他 ||殘兵等約| 四 萬 人,任 北 京 防 禦, 而胜 親 E 及 削 毅 所

統 之義和 團, |分置城内外防戰 聯軍會議原約以二十一 日大攻北京十九日令先 蜂隊各向

城 門 方 面 定陣 **叶地而俄軍貪力** (功背約) 於十九日夜間, 即 猛 向東便門開 | 酸攻擊日軍 大 驚, 卽 令

本 國 全軍, 由 通州出發二十 Ė 破膜, 日兵抵朝陽門外 以野 礟 山 赕, 猛 向城 《門攻擊然 城堅迄

不 易 破。 乃組 織 朝陽門東直 門各第 一第二 |破壞除乘夜潛至城門下裝置 藥讷, 啓導 電氣, 於

是東 值 門朝陽門先 後 破 裂, ||| 兵如 潮 湧 進, 城 兵且 TIP, 且潰, 而 皇城之東安 地安 西安三 門 逐

悉爲 日 軍 所 占 美二 軍於 東 便 門 槃 壁 人 城。惟 英 軍 於二十 H 午 後 時, 乘 廣 渠 門

之虚, 教民 啓 門 引 進, 不 戰 III 敊 先入 城。 軍 以 1-日日 眛 越 人 城。 Ź 此 腦 軍 協 韼: 由 朝 陽 門

畫 横線, 其北 部師 田軍管 帾; 南 部以正陽門為中心以東歸俄法二 軍 笞 轄以 西 歸 英美

轄設民政廳各自管理其區域。

聯 軍 入城 後, 堂園尚未知 解,法 兵攻順治門英兵置二 **酸於大清門** 為二 面 一夾攻之計 清

軍 懼, 立 刨 奔 逸, 法 軍 山 全 四 乘 門先是, 门兵抵 是門 以 無酸 不能 入及法 兵登垣, 在清 軍 左,

兵 在 其 石, 同 時 向 清 軍 猛 脉。 H 兵 1 死 躍 下, 值 抵 bil 前, 斬 關 啓 之清 兵 在 後, 由 門 卢 **發槍** 外

兵 在 門 削 者, 急 避 始 兔法兵復! 下城 山後 路擊清 兵清兵二面受 攻, (大亂乃) 遠 道
遂解 北堂之

第二章 聯軍陷京津

二十七

圍, 時 被 圍已二 月矣未常 幾途 由西華門赴皇宮日兵先 入法兵踵之以法 旗 樹 於第一 橋。 復前

行, 過第 宇法總兵踞之俄英兩總兵踞其傍兩 二橋以 法旗懸於白塔上復前行詣第三橋立登景山山高二十 廟各懸本國旗幟惟是時宮中珍藏 **丈周約三百丈下有** 

重器成

已不

知

所 在 矣。 祠

歪 當 時 城內 外慘 况, 更不堪 寓目民居市廛焚燬者十之二三居民 四處 近匿兄: 弟 妻子

離 散掠 奪 凌 辱, 所 在不 死。 聯 軍 入 城 後復公然掠 取, 富豪 大吏之宅, 無 不 被 其 難, 而 袒 謰 拳

衆 者受 禍 更 烈,珍 **玩器** 具皆掠盡其不便攜藏者皆 減價 售焉。 至王公大臣之以 身殉 及闔家

自 盡者, 不知凡幾尚書崇綺奔保定居蓮池書院服 毒自 虚。 安徽巡撫福潤全家殉 難, 共

年 九 + 餘, 為聯軍 所獲挫辱備 至亦 死焉主事王鐵 珊, 比部韓紹飛祭酒 熙元, 兵部 員 外郎 蔭

德 賀 戶 、船主專品 景慕, 理 **瀋院主事英順** 戶部漢堂主 事才保等, 古 及 《難宗室庶古 吉士 藩 富, 有文

學, 尙 氣 節; 侍 郎 寶廷 捌 學 聯元 之壻 也, 聯 元 被 数, 屬匿壽富 家, 聯 軍 入 八城壽富與 弟富壽皆

仰 樂 未 死, 兩 妹 及 婢 皆殉焉壽富自經富壽從容 理諸 屍乃自 經 死。 此 外 如 大學 徐桐,

於 攀 衆 肆掠 時, 全家 被殺徐自士 。旒 團 練大臣李端 遇, 積 愛成 疾旋 卽 物 故。 理 游院 尚 書懷塔布

於亂 時 溘 逝禮 部 右 侍郎 景善戶 部 俠 補 筆 帖式 德保, 副 襚 軍 一参何全通, 俠 補 筆 帖 式 潤 普神

機 簽 都 司 楊光 第, 800 頂 皷 公中 佐 領 達 斌, 太 廟 Τi. 品官富亮内 閣 rh 書 玉 彬, IE. 品 頂 戴 張 進

忠, 恢 選道 鄭 錫 政, Ħ. 밂 軍 功 譚 恩壽, 同 知 銜 韓美鏞, 太常 寺 博士 承 照, 禭 軍 參 领 街 副 內 管領

常 存, 鹽大 使 職 銜 李 湘, 員 外 郎 銜 大 理 寺寺 丞何 阚 燮州 判 銜 馮 英 疇, 内 務 府 員 外 即 端 寘, II

西 道 監 察 御 史 德 基本 恩 將 軍 錦 御戶 部主 4 謹 善, 戶 沿 員 外 即 恩單, 内 割 1 | 書 覺 羅 凊 廉, 世

襲 車 都尉 兼 雲騎 尉 王 縣公中 - 佐領成勋 刑 部 主 事 鍾 傑, I 部 主 事 怪昌, 戶 भी -}-非 英

魁斧, 皆殉 難。 鑲紅 旗 漢 軍 副 都 統 色皆额 徵, 内制 · 侍讀 學士 松林, 副 叄 領 兼 公中 佐 領 松壽 東

陵 禮 部員 外 郎 連 陞, 變儀 衞 鳴 贊官連 福, 糒 餉 處 監 翎 侍 衞 潤 志 闸 機 營藍 餬 侍 衞 恆 亦 六品

頂戴 崔德 絡 等 省 陣 亡。 其 餘 命 婦 紳 婦, 生 員 商 K, 僕 婢 I 匠 幼 壶 等, 死 於 難 者, 不 勝 枚 躯。 見

李杕 华嗣 記 官 緋 殉 難 婦 女 慮 心受辱, 多 自 綖, 朝 衣 朝 冠 及 凤 池 補 服 之屍, 觸 H 皆是, 有 自

經 久 項 斷 屍 墜 者; 過 者 成 為 酸 **[3**. 云。

東大 陷 京

本節參考書如左:

李秋拳禍記聯軍進京

羅惇曧拳變餘聞

吉田良太郎西巡大事本末紀王公大臣受辱記

李杕拳禍記官糾殉難

四十

# 第三章 清帝西巡及中俄之戰

### 一清帝西奔

出宫, 爲計, 未 行 太后 來彼二人素能騎馬, 能 獻 太黑布戰裙, 駝車三 太后 不復卹吾母子矣懶等當隨吾行復詔文韶 召見王公大臣五次末次惟王文韶剛毅趙舒翹入見太后言今祇餘 即發十九夜城外礮聲隆隆知聯軍已 方 聯 及帝, 軍之逼北京也舉朝震動莫出一 乘**, 岩**乘道傍驢 队具均不及攜途中以小米粥充飢晚睡火坑 與 貝子 必同 行 溥 也帝亦 倫同一 車,王 公內 顧文部 乘, 侍皆 太后 謀七月十六日朝廷已有西巡之志以, 皇后 步行, **遡二十日喧傳天安門西長安門業經** 必常行二十一 日汝年 各一 出德 勝門, 乘太 邁尚長途苦汝吾心不安汝以 后 日黎明太后, 礟聲 衣 上狼狈情形不堪言狀。 不絕, 藍 布 夏衣, 趣行 聞外兵已入城 至貨市 尚未 爾等三人餘 櫛 東光裕 心帝 失守。 車 輛 時妃 倉 是日, 衣 未備 輿 均 後 黑 猝 自 駝

三章 诸帝四巡戍中俄之戦

嬪 宮 女, 均 未 隨 駕, 太 常 從 行 者, 寥 家 無 幾, Ŧ. 公 貝 勒 随 扈 者, 有 端 親 E 軷 游, 慶 親 E 栾 劻, 肅 親

王 一善耆蒙古 王 那 彦圖, 及貝 子 公饀 數 人; 堂官 有 剛 毅 趙 舒 翘 溥 與 樂, 暨 岫 機 虎 神 營練

人, 餘 人。 沿 途舗 戸閉 匿, 扈 從兵 役, 無 購 處, 所 在 掠 物, 民 成 苦之。

馬玉 崑 兵千 門遁 E

居 庸 關, 時 延 韶 慶 暑, 州 途行甚苦二十二日 知 州 秦奎良 來迎, 太后易· 駐盆 道, 奎良 辰 刻 畅 大 雨, MI 行。 行 二十三 抵滞 駲, FI 山 抵 水 懐來, 漲 骏, 縣分 乘 御 吳 沖 永 水 聞 而 駕 過。 至, 蓉 抵 倉

皇出 迎, 太 后 入居 吳 夫 入· 室, 皇后 居 其子 婦室, 帝 居簽 抑房。 太后 飢 甚, 手 拍 梳 桌 命 進 食, 蓋 出

京三 日, 僅 進 鷄子 也。 隨 啓 奩, 自 取 梳 櫛焉。 吳 夫 人, 曾 製侯 紀澤 女 也, 爲 太 后 梳 頭, 太 后 命 帝

書 硃 諭, 介 吳介 往 東 南 各 省, 催 解 饟 糈, 以 典 史攝 縣 即。 吳 合 涯 燕 席, 並 漢 装 女 衣, 挺 派 帝 及 大

Fil 哥 衣, 蓋 至 是始 得 安 食 易 衣 也。 + 四 H 馬拉 河 城, II 北 道 進級 轎, 並 進 旗 衣, 駐 鞸 日。 +

五 日, 下 部言: 不 得 巴 西 幸, 並 派. 榮 祿 徐 桐崇 綺留 京 辨 事, 辺 籌 辦 法, 其 時 尚 未 知 徐崇 已 死 也。

日, 復 F 罪 己 詔, 略 謂: 近 H 畔 起 團 教 不 和, 禍生 倉猝, 竟致 震鷲 九 廟, 慈興 播 邀, 自 剧 疵

躬, 罪 寶甚然涮 亂之萌, 非 伊朝 夕果 使大小 15 上工有公出 體 國之忱, 無洲 沓偸 安之智, 何 至

日 政 壤岩此知人不明皆朕一人之罪小民何辜遭此塗炭朕爲天下之主不能爲 民 捍 患,

卽 身殉 社 稷, 亦 復何所 顧 惜敬悉聖母 春秋 已高豐 敢 有 虧 孝養是以: **《恭奉鑒與**] 〈暫行 巡幸 太

原自今以往, 幹 旋 危局, 我 君 臣貴 (無旁貸) 其部 院堂司 各官著 分 班 速赴行 在以 便 整 理 庶 務,

各 直 省 督 撫, 更宜 整 頓 邊 防, 力固 邊 圉。 前 據劉 坤 洞 奏, 沿 海 沿 江 各 口 商 務, 照常 如 約

保 護; 令 仍 應 照 議 施 行, 以 昭 大信其各省教民 良莠不齊苟無 聚 浆 作 亂 情形, 卽 剧 朝 廷赤子

地 方仍 宜 體撫 綏, 以讲得歧识 視 云云。

先是王文韶奉命随扈於二十一日早馳, **汽宫中**知 帝后 色出 京隨出後門暫至靈鷺菴

小 憩。時 外兵已守安定德勝等門街市 間 亦 絡繹 如 蟻惟 西直門 尙 開, 文韶樂車馬五 乘 夜 步 行

出 門, 至 大橋外始得雇車二十二日 至貫市 翌 日 至 居 庸 刷, 復 \* H 至 懷 來 縣。 太后 已 先 日

到 此, 文 韶 入 見跪 地 丽 泣, 太后 亦 揮 灰慰 必勞之二十一 七 H, 御 駕 抵 宣 化 城, 駐 蹕 四 日, 供 給 稍 備。

八 月六 日, 抵 大同 府 城, 駐 總兵署 駐 跸四 H . 十. 續 派留 京 辦 事 各 員, 其 餘 分 赴 行 在。

過 雁 門 關, 十 Ħ. 日 上射忻州5 换 乘黄 **畅十七日抵太原駐巡撫署** 陳 設 周 備, 均係高宗幸五臺 時

清帝四巡及中俄之戰

舊物燦然如新極形可觀太后亦歎為宮中所未有云。

本節參考書如左

羅惇配拳變餘聞

李杕拳禍記兩宮西巡

吉田良太郎西巡大事本末紀兩宮西狩記

## 二 西安駐蹕

初, 攀衆之發難也<u></u> 應傳霖任江蘇巡撫東南保護之約傅霖大不謂然急率兵 北 上冀附

會 載漪 剛毅, 合拳衆攻外人事成則南 下督 兩江及 人甫至近畿方 李 乘衡方 大败, 北京 將 立 陷, 所

率 原後以剛毅道死途命傳霖入值軍 兵又 多散失乃定數百 人次定與旣聞京城破 +機時乘御 駐蹕 兩宮西巡則急行 **卡太原開全**時 權大臣李鴻章 迎謁 道左, 已入 太后 大喜抵太 北京 各國

允議和停戰頗有待和議行成即行就近回變之意。 而傳霖陳說太后謂北京萬分危險, 西安

於 去 外, 海 皆 遙 遠, 以暫 外兵萬 射 晉 省靜 不能 到進退, 待 和 議, 戰守無不皆宜太后 勿 再 深 入 内 地 爲 然, 固 既 願 重 《西行徒以7 以 梨 議, 故 廷臣 時 未 主持於內疆 决, 得 傅 森 吏 奏, 力請 大

而幸陝之議途定。

謂: 民 能 能 可 可 幸 立 虞, 瘠, 自 百 往, 古 古 國 太后 問 佔 成。 彼 餘 國家 圖 稱天 且京 亦 不 年 土 既決幸 能 存, 同 來邦基固矣一旦棄之不特失 地, **多難之時** 府今 **今者聯軍** E 禰 往, 京 根 不 師 可 陜西, ·段數萬 本重 素云 藉 非 雄 此 謀堅勢衆原 亦有 完 都, 以 詔定於閩 地, 逨 M 里 善, 又 之海, **共撤** 與 遷都之舉然必須 方 爲 所 蓝 新 八月八 贵 兵之議。 拱 Pari Pari 實與古來不同。 美 甘肅 之地 極 畏 數 而 八臣民之望, 日啓 倘 爲 朝宗 千 也。 里 鄰 **I** ğŋ 變。 之陸, 新船 幸愈遠拂各國之詩 敵 者 就 也, 况 人 目 陝西 宗 不能 度亦 恐山 iT 近 下 - ] 之各] 廟宮闕 偪 總督劉坤 懸軍深 自宋 強(俄) 非聖心所安前。 川 之 險, 元明 |# 列 國 入即 机 方 脯 未 同治 P 與胸 以 叉 阻 列宗之神靈所式 就款之忱 憑恃, 爲 深 新 聞各國 以來, 入亦不 省督 勝 回 之師, 薮, 卽 屢 内 撫, 偏 能持 台譜 次 萬 安之 聯 聯 訌 兵 電 合 外 激 火, 久, 逃 局, 灰 憑 患, 鯯 者 阻, 兵 亦 進。 在 商 始 回 不 也, 在 稀 略 我

第三章 清帝四巡及中俄之戰

**旨**, 外 兵不 撒, 京 畿 從 此 淪 肾矣, 遊 東 不 復, 陵 癡 從此 鼎 革矣。 夫 以 偏 僻 凋 敝之 秦阳, 供 苒 乘

官之貲糧, **久將** 不 給; 以屢 次 失挫之弱 兵抗合從連橫 之強 國, **一勢必不** 支。 存 亡關 鍵, 實 在 於 此,

臣等萬 死 奚足 補救 云云。 疏上不省。

閏 八 月八 日, 車 駕 申 太原啓程沿途官吏 供給周至二十六日抵潼關 以錦 舟 渡

河,

太后

欲 險, 止, 登萬壽樓。 西安,

登 華山, 以道 叉 亟 西 行 而 即在 激轰 殿禮 聖祖 龍 牌 九月 四 日 至 改

撫 署 爲行 宮儀 制 略 備。 帝 時 服 布 袍, 王 一公皆 衣 布。 太后 不服 水 土常 有胃痛之疾, 夜 不 成 寐, 頻

粒, 各 省 粉 進 方 物, 時費 攀下。 御 膳 日 費 百 金, 太后 謂 岑 春 煊 曰: 向 在 束 師, 膳 費 數 倍 於 此,

亦 可 謂 省 矣。 先是, 車 駕 倉皇出 走, 除 所 御 衣 服 外, 餘 悉 未 備, 至此 陸 統 帶 往。 榮 飛 旋 至 西 安, 與

王文韶 仍筦樞要鹿傅霖入樞 府, 彌 執 拗用 專。 內侍兵衞 日 擾民 間秦民苦之大修 戲 園, 諸 臣

娛 樂 如 平時帝 見貢物 至必 垂 涕。 各省解款 已五 百餘 萬, 郁 解款 至内監需索尤背。 時 两 安 飢

荒, 而 尤以 西 北 為甚, 赤 地千里不 見青古 入河南境始 見麥禾至是諸臣祢趨行 在, 物 們 益 以

沸 騰 矣。

本節參考書如左:

羅惇曧拳變餘閒

李林绛嗣記雨宮西巡

吉田 良太郎 西巡大事本末紀兩宮駐蹕西安記鹿尚書傅霖事略

吉田良太郎西巡大事本末紀各督撫奏請回變摺

# 三 中俄開戰及俄人佔東三省

初光緒二十二年(公曆一八九六年)七月俄國得由西比利亞經呼倫貝爾齊齊哈

附哈爾賓至海參威築東清鐵道翌年三月又得修自哈爾賓經長春奉天至旅順 大連鐵道。

至此東清鐵道將以本年冬 翌年春全部開通南 滿鐵道旅順 車北京筝

**漏之起也奉天土匪忽焚火藥庫攻俄鐵道警衞兵經將軍增祺鎮定之及宣戰詔下奉天副** 

都統晉昌渝學民往焚教堂並誓師南下雕遼陽五六十里遇修路俄人即行攻聲俄人不及

第三章 清帝四巡及中俄之戰

四十七

備, 逃 至 車 站, 復焚 士: 屯 橋 及 城 西 乏火 (車橋) 並 整磐俄 兵數 人。 月 五. 日; 晉 昌 命 兵 匪 攻 瀋 陽

各 教 堂, 殺 天 主 教 土 數 人, 教 民 數 百 人, 白 是 匪 勢 愈 張, 如 河 決 山 崩, 莫 可 抵 禦。 +-H, 晉昌 復

派 軍 四 營攻 城 外 白塔 十 火 車 站。 七月中 新 民 ----毫 子 教 堂, 有 教 民 數百 人, 築 垣自 衞, 绛 衆

之未 破。 營口 道以 營口 為本 省啊 喉中外财 產, 不 ·下百 餘 兆, **-**---經開 戦, 勢 必糜 爛, 因 循 商 戊 之

請, 興 各 國 領 事, 訂 中外 開 戰, 須 Mi 營口 三十 里之約各 頒 事允 之。

朝 旨 PE 決 意 開 戰, 以盛京 戶 部 侍 郎淸銳, 刑 部 侍 郎宗室 溥 蹞, 爲 團. 練人 臣, 督 練 拳 勇, 由

是拳 勢猛 盛, H 以 焚 教 堂 殺 教 民 為 事。 惟 營口 教 堂, 在 東 營 租 界 者, 由 外 人 自 衞, 在 西 丛 華 界

者, 由 道 標 矢 (嚴守, 攀 衆 無 隙 可 乘, 教 、堂得 以 安 居。 七 月 九 日, 俄 艦 長 官 团 告 關 道, 謂 明 日 俄 太

后 萬 壽, 須 放 礟 致 敬, 請 諭 示 商 民, 勿 得 驚 張。 衆 聞 之, 故 達關 道 與 領 事 之約, 於十 日 早 ᇋ, 力

攻 租 位界 英 兵 型 擊 斃 筝 衆 七 名。 俄 兵在 艦 者, 亦 整 隊 m 起, 清 兵 與 之廛 戰, 互 有 損 傷, 绛 衆 望 風 披

雕。 午後俄艦 開 酸, 兵團 死六 + Ţ 商 民 死者 甚 衆沿 泂 房 屋大 半撃 煅, 捌 道 乘 船走 山 海 褟, 做

佔 營口 海 關, 頗 烈。 一八月 俄 人攻 海城將近 两 門, 新鳳介 恐俄 人 縱 火燒 城, 將 獄 中

囚 犯 百 八 餘 人 縱 去、 商 民 逃避 **空**践 踏 而 死 者, 不可勝計翌日俄 人又 來攻城 兵不 敵, 随

卽 失

鐵 嶺 自中俄啓釁後防守頗嚴俄兵來攻城兵力禦之斃俄兵二十餘傷三十餘無 何,

放巨 **酸酸彈所及逼** 地横屍, 復將 距城三 四 里之民居悉行焚毀男婦老幼四散· 奔 逃哭聲震

野。 城 兵 向 俄 A 發 餘俄 軍忿甚 發精兵 極 力進攻不旋踵踞之俄 兵乃進攻遼 陽城

兵出 戰, **外分為三隊俄軍** 軍 一奮勇異常: 城兵 懼, Pij 除先潰, 1/1 **隊繼進後** 除 畷 誤 मंग th 除 冤 死 頗 多。 少

選, 中 隊 亦 散, 後 隊 獨力 難支, **逐**乗 職奔 逸, 槍 械 嶥 位, 均 爲 成所得俄1 兵直 抵 遼陽 城下見 城門

洞 開, 恐有 詐, 未 敢遽入乃置, 酸高 阜向 城攻 擊烈燄 飛騰商民紛紛 奔避州 官不 -知所之, 而遼

陽途爲俄有俄兵更乘勝分南北二軍合攻瀋陽城兵防守僅半日亦 為俄兵所攻陷

方 阚 聯 軍之抵津也廷旨諭各 省督 撫將 軍保守疆· 土不 可以和之一字橫梗 胸 中。

龍江 | 将軍壽山 念黑省兵餉 俱絀, 不足 以 敵 (俄, 因 電 奉天識 戰守。 而晉昌 事 事 與 增 祺 異 見電

復壽 山, 力 丰 戰, 並約 期 進 兵軍 械 榻 觚, 許 H 奉天接 濟由是壽山 有 特 無恐 毅 然 決 戦六 月十

清帝四巡及中俄之戰

四十九

等日, 海 蘭 池 有 | 俄 兵數千八 欲假 道 変 琿 齊齊 哈爾, 至哈 爾賓 保 韼 鐵 道, 壽山 不許。 十五元 日,

復致電愛 琿 副 都 統 |風翔, 令戒備一 切如俄二 兵過 境宜迎 頭 痛 擊, 勿分下 **駛鳳翔** 自度愛 琿 兵

備空虛 不堪一 戰, 電送壽山 阳啓纍壽山置之不理十七日有俄國兵艦, 運兵從黑龍江 F

駛鳳翔以壽山 仍持主戰之旨因將愛琿 所練靖邊各軍調赴沿江各溝十 八日, 又有 俄 艦 運

耶 火下 駛至 愛琿 上游二十三里之三道溝中國兵官出為 团 止, **卒致發礮俄兵官二員** 殲

鳳翔 以 兩 軍 互擊 情 形電 壽山, 壽山 [致電假軍書 責 其 輕易 開 (仗営 任啓釁之咎自是 黑龍 江 淸

軍,連 日 礮 攻 海 闌泡, 俄 亦 以 開 花 日, 俄 派 馬隊 數旗, 至 愛 琿 城 東, 驅二

屯民 聚於 大屋 中焚 斃 無 算, 出者 不及其半在海 關 泡 貿 る一番商品 約六千餘人, 、先於十

九日 被俄兵驅 至红邊許 以 派 船 頀 送商民忍飢露立二十日午後忽俄: 持槍兵三十名持斧

兵五 十名, 向商 民砍擊商 民惶遽奔逸均墜黑龍江以死其泅水得免者僅百數十人 蓋 亦 慘

鳳翔 見俄兵肆行焚掠慘不忍覩派統 領 Ŧ. 仲良等, 率馬 隊 渡 工 冀 驅 逐 俄 兵 保 **護**屯

過 II, 卽 與俄 兵遇鏖戰一小時王軍死傷颇多兵心惶惑仲良等先自逃遁幸後隊發 頭前 鳳

進始 甫 學退 其謀故恚之遂傳令渡江 俄 兵二十三日營務處來 八鶴鑒於江 心回俄兵見清軍力 來之敗恐孤 軍 力單, 虚懸爲敵 所 乘且 愛暉之意自二 馬 **隊渡江** 

十 四 日 起, 架廠 江 邊, 日 向清 軍 森擊二十六日俄日 馬 步兵六千, 申 黑 上 游 五. 渡 河 暗 渡, 軍 游

之兵悉數撤

遂萌

窺伺

翔實

主

爲 漠 泂 韼 鑛之 兵遇亂: 逃 间,故 未 發職追 俄 兵登岸已措! 等不及立, 郎騰 散, 退 至 上愛琿翌日俄

兵 由 陸 略 來 撲, 時 鳳 翔 奉壽山 一个进前; 敵督除率駐防各溝之靖邊兵退 至兜溝子未與俄軍

二十九日俄軍遂入愛琿。

七月 河口, 俄兵復進攻兜溝子清兵屢次失利死亡相枕鳳翔知力難抵禦又恐將 士譁

潰因 [於十日] 結 除徐退十二日抵內與安嶺十六日俄兵復來攻鳳翔, 率 除迎 戰 時許,

終 不敵 乃合各 軍 暫 爲退守徐圖後 計。 十七日俄兵在內與安衛架隊猛攻清 軍, 鳳翔介 全

出 敵。 並 自 統 前 隊 出 戰, 奮 勇 直 前, 後 隊 乘 勢機 進 勇氣 百倍, 大敗俄 兵。 m 風翔 亦受重 傷, 墾

左 右 扶之 回 誉, 至 晚。 嘔 血 而亡士 氣熸焉鳳翔旣 死壽山 派 程 雪樓 為統 領防赴 內與安

清佈四巡及中俄之戦

五十

嶺迎 **敵**雪樓 至, 將 會俄 官約 停戰議 风和俄兵不得 傷人民惟率師 至齊齊哈爾 面 見將 軍。議 既定,

雪 樓 帥除先 行八月二 日,抵 齊齊哈爾 入見壽 山, 面陳與 俄 軍議 和, 及俄 統領 率師 來見 事。

四兩 日, 俄軍 果先 九後至壽山了 【不自安因】 致 書 俄 將 以 一 勿殺 居民為詩 隨自 殺, 而 齊齊 哈爾 遂陷。

時, 俄兵 擬 進 兵伯 都納 不果八月二十三日, 渡松花江二十五 日, 向 克 愛慶 前 進, 十七

日 佔之。 地方官奉 將 軍 長順 命率兵入吉林 城以資防禦三十日俄 兵來攻城 兵不 能 敵, 棄 械

而 遁。 兵入 城巡詣 將 軍 署; 勝其 親 兵二百 餘掠 馬 匹 軍 械 無算, 長 順 E 出 城, 俄 派 兵守 將 軍

署, 復踞 電 報局, 掠 鑄銀 局。 閨 八 月 日俄更派 兵赴附 近 各處, 偵 察情 形見有營壘 悉毀, 並佔

火 樂局。 七日, 復拔 隊沿 大路 而 胸, 直 達奉天奉軍 皆一 戰輒 退俄兵沿途肆掠縱焚村落。 旋以

第十 營守 奉 天, 設指 揮官自是東三省險要地途俱落俄人掌握 中矣。

本節 叄 一考書 如 左:

李杕拳 (代) 東三省

吉 田 良 太 即 西巡 大 事本未紀 東三省失守始末記

# 第四章 北京議和及東三省撤兵問題

# 一 議和前之各國態度及和案大綱之決定

對北京 於一 恢復 持各國之共同一致二維持中國從前之國家編制三排除分割中國之諸原因四各國協同 異 重圍中且驅逐 北京陷落後十日忽向聯合各國發表宣言略謂此次聯軍 H 時保 北京中央政府以維持國內安寧秩序以上諸點想列國皆同惟俄向東三省出兵實出 索報之地 先是拳變之起也俄政府一面與各國聯軍攻京津一面發大軍進東三省心懷叵測然 政府頗有主張另行組織之說而俄卽欲藉行其一種懷柔政策冀結中國之歡心為 護鐵 道起見非有特別行動俟東二省秩序恢復俄國卽當撤兵云云蓋其時各國 北京附近暴徒其主要之目的已達今俄政府對北京之善後約具四旨一維 也然是時拳民餘黨尚徘徊於附近而蒙塵。 政 意外敏速得救出列國公使館於 肪 中之頑固 派尚無真實 水和

北京識和及東三省撤兵問題

第四章

之意, 於是英 徳美 諸 國, 咸 以 撤 兵 胩 期 未 到, 回 復 俄 國, 俄 不能 周 持 己 見 撤 兵間 題, 因 以 打 消。

當 媾 和 談 判 開 始之際德外4 務大 臣 那 羅公, 忽向 各 國 政 KF 提 議: 和 局 未 開 之前, 須合 क

國 政 府將 國際 法 上 犯 犯罪之元兇, 先行 交付; 水各 國 贊 成。 然載 浴 載 助 剧 毅 쑣, 均 屬親 貴, H. 握

兵 權。 非兩 宮所 易處 泱; 且俄 H 美諸 國, 所 持 亦不 致德提議 **晚自難實行**。 適 徳宗 有處 罰 ヹ 兇,

及惋 **弔德使與旧書記 哈官之渝墨氏**涂 篴 乘機 撤 回 削 議, 更提新 藏。 而 是時法 外 相 亦 [n]各 國 提

出 議 和案六條 懲辦 罪 魁, 由 各使臣 指 定。 禁止 中國 區輸入軍 械。  $\equiv$ 赔 兵費

及諸損失(四) 外兵常駐 北京護使館( 五 拆 、毀大沽 礟臺。 一(六) 京津間 擇二二處 置

守備 兵以保大治 至北京之交通 自由。 提議 之項視俄德提議較為緊切, 大致 為 國

所贊同略事更改途提交北京公使會議守備兵以保大沽至北京之交通自由法國所:

先是, 駐 北京各國 公使恐議? 利 時 要求 或不一致有 儮 和 談 進行, 先開 八 國 公 使 會議, 磋

商 和 案。 晴 罪 魁 處 罰 問 題太 后處 分問 題, 政 府 改造 問 題, 償 金程 度問 題持 議 紛 紛, 英夏

是是時期 英德二國政 府忽向各國發表二國在 倫敦締結之協約 中國 商 埠, 各國

通 商, 無分優劣他處有能行 商者亦如之(二)保全中國疆 土不取尺寸(三) 不 論 拨 何

事 放, 如 有 取 中 國 土 地者 英德 爲保 護在中國 自己利息 益 旭 見得協商對付之法( 四 英德

以本協約 通知法意日與俄美各關 係國並勸告各國承認本協約記載之主義。 自此 約 發表

後而北京各國公使會議 漸得維持共同一致之狀乃以法 外相提議為原案斟酌損 益, 自閨

八月中旬始至九月下旬 止,前 後凡四十日決 議 和 案大綱十二條 其略 如 左:

)德公使被虐殺 一 件, 中國 皇帝 派 皇 族一 人,往 柏林表哀 悼意, 並於逃害 地 建 築紀

念碑川拉丁德漢各文表中國皇帝惋惜兇事之旨。

重懲治又戕殺 中 歷閏 八月二 外人之各府縣 日 上 論中, 市, 指定 之犯 年 間 罪人, 停 北 及日 文武 後 切考武。 谷 國公使指定之犯罪人皆須從

(三)日本醬記官被害中國須用優榮之典以謝日本政府。

中國 政 所對於被汚凟破壞之外國墳墓, 建立滌垢 學修 碑。

正 禁災 4 國 軍火暨專為製造軍火各種器料之章照 諸 國所 潊, 仍不開 弛。

第四章 北京議和及東三省撤兵問題

六 中國 政府對於此次各外國國 家團體個人及雇傭中國 人之蒙損害者爲公平之

賠償又中國政府容列國處理中國財政之意見。

七)各國 分應自主常駐兵隊保護使館境界自行防守界內禁居華.

人。

八) 北京 至海面須留出來往暢行通道故與其有礙之大沽等嘅臺一律削平。

九) 北京 至海之通道不使有斷絕之虞由諸國酌定 數處留於駐守。

十)中國 政府, 永久禁止排 外團體犯者處 死刑各省督撫: 地方官吏等遇有排 外事變,

不即鎮壓與處罰罪人者卽罷官此等上諭二年間頒布全國。

**+** )中國政府承認各國 政府意見修正通商 航 海 條約; 又為通 商關係· 上謀便 利得

商議其他通商事宜。

中國 政 所允改革總理衙門並**變**更外國使臣謁見皇帝之禮節,

本節參考書如左:

李杕攀嗣記中外議和

#### 滬濱 審局 辛丑 各 國 和約文件

劉彦中國 近時外交史八國聯 軍入京之禍

## 和議之進行

初, 拳亂之方 孤也李鴻章方授粤督命速來京旋又以鴻章督直辭不 至及聯軍陷京:

鴻章爲全權大臣命入都議和時兩宮蒙塵京官或 自殺或扈從或 遁匿, 津,

以 地 步而各國軍隊餘勇勃鬱殺人 八掠物粉亂] 不可名狀 少將, 北京 陷 和, 於 無 政 府

漢軍 JF. 白 旗 參將中島珍**个速迎慶親王奕**劻回京與列國· 日本副島 公使協議善後策否 知事 必出 則事 於 局不知 因 密告

所底 **丛**止申 鳥公 珍即 派人追迎奕劻弈劻卽請旨返京時兩宮在宣化卽論弈劻李鴻章便宜 行

事。 入京後副島往訪弈助即以促李鴻章入京議和之電托由日本野戰電 信經 盛 宣 慢

寄鴻章鴻章乃乘俄汽船由粤北 上。

奕劻 李鴻章抵京後各國會議之媾和案已成經西班牙公使照會於十一 月二日我全

第四章 北京議和及東三省撤兵問題

五十七

權 大 臣 與 各 國 公 使, 會於西 班 准, 牙公使館各使 目, 提示 媾和 案, 李 直 電 奏 西 安行 在六 日, 奉行

在渝: 期挽回全局奕李乃照會 所有 大 綱 十二 條, 應 卽 照 |列國公使 其 餘 詳 應竭 兵各公 力 磋 商該 親王 等務 常勉 為 其 難惟 力是

覛, 以 兼請 撤 使復要求 送附批准 之正 式上 諭, 然

後開 詳細談 判又關於細 月先以**當**信磋· 商大 網然後會面二十六 日奕李以 **西安御書** 渝

僅 及全權大臣意見書送附 一强問 而 止者有關於內容求 列國公使其對公使提示之和案逐條表述意見有全然承認 再議 者各使接受後旋與奕李 會於 西班 牙公 使館, 開始 談 者有 判,

與 會者 為俄美徳 法英 日 奥意 两 比荷之十一 國, 而以西班牙公使為 議 長。

關 於 談 判中 ·之最不 易解 决者首為 罪魁 處罰問 题。 初 開 會議 於英使館 由 西 公 他 旭 式

發言奕劻 謂:謂 此 事 敝 國 必 認 旗 辦 理代端 郡 E 係 國家懿 親, 各 國從 邲 之例, 皆無 處 死 罪 之法,

余等依 皇太 后 皇 上 **之意**, 認此 親 Ŧ. 統賢 為首 渦 應處 死 刑。 各使皆持 不 可, 談 纠 數 次, IJ 刖 英

使提 出 讓 步: 端 郡 E N 宜 處 死, 以帝室之親, 由 皇 帝 特 恩 诚 刑, 水 禁 鉶 新 删; 並 福 祥 載涮, 從

死亦 永禁新疆 莊親王航 質英年 趙舒翹啓秀徐承煜六人 均處死 **元刑。** | 漢字 再以此案電

遂行 在, 至 十二月二 + 五 日, 乃 奉 上 諭: 已革 莊 親 Ŧ 載 勛,. 賜 介 自 盐, 派 署 左. 都 御 史為 寶 華前

往 盤 视。 已革 淵 郡 上戴 游降調 輔 國公 載 瀾, 均 著 發生新 珊, 四永遠監禁, 光行 派 員 看 管。 已革 巡

热 **뻈** 賢, 造後新疆, 著傳旨即 扩 Æ 壮, 並 派 按察使 何 脳 堕 監視行 刑。 協 辦 大 學 士 尚 醬

剛 殺現 已病 放著 追 狐 原官, 撤消 卹 典革 職 褶 任計 肅 提 肾 鲎 稲 **游** 著即行 革 職。 降調 都 察 院

左. 都 御 史英 年, 革 職 留 任 刑 部 尚 書趙 舒 翘, 均定 為 监 斬 倏 罪 名, 先 Æ. 陝 <u>ptj</u> 省監 禁。 鹶 1: 徐

桐, 降 譋 削 四 ]]] 總 督 李 秉 衡, 均 E 殉 難 身 故 著革 職 撤 銷 卹 帅。 叉禮 高 尚 書 路秀, ĦI 刑 部 左 侍

郎 徐 承 煜, 均 著 先 行 革 職, 著 奕 劻 李 鴻 哲 1)]] 所 犯 雊 據, 即 行 灰 HH 膱 辨。 然 一 学 以 此 諭 報 知

列 國 公 使, 丽 列 使 113 以 爲 不 經 列 國 公使之 水 認, Ĥ 行 宥 某死 刑, 處 某 死 刑 縞 不 监, 強 加 抓 絕。

瓦 德 西 元 帥 發遠 攻西安之介 法軍急 築軍 事道 路, 英德 軍 派 造偵 、探隊大有 和 平 破 災之勢。

奕李 復 電 西安乃於二 十七年( 公曆 九〇 年 Æ 月三 H 頒 發英年 趙 舒 朝 命 自 壶, 啓

秀徐承煜命正法之諭而事乃結。

至 此 外 地 方 罪 魁 問 題, 列 國 公 使先 派 員 譋 查, 作 成元兇名 簿, 曲 西 班 牙公 使付 41 國 全

第四章 北京議和及東三省撤兵問題

九十九

權 後, 迭 奉 ]\_ 渝, 分 别 輕 重 懲 處。 山 两 歸 級道 鄭文 欽, 浙 江 衢 州 城 都 司 周 之 德, 山 西 陽 曲 縣 知

縣 白 昶, 均 著 斬 立 决。 直 隸 凝平 縣 知縣文星 者 李 鴻 章 作 明, 如 有 戕 害 教 -質 據, 卽 著 亦 立 决。

蒙古 搭 拉 特 王, 著 革 職 杳 辦。 蒙 方 kul 拉 美王 11/1 喀 酮 王, 均 著 傳 旨 中 斥。 故 直 練 總 督 裕 禄, 故 駐

藏 辦 事 大 臣 慶 善, 均 著 追 奪 原 官が 江 巡 撫 劉 樹 堂 倉 場 侍 郎 長 萃, 呼 蘭 城 副 都 統 倭 克 津 泰,

直 隸 大 名 鍞 總 兵 E 連三, 景 州 知 州 洪壽 彭, 大 名 縣 知 縣 苗 王 珂, 疕 城 縣 知 縣 張 丙 喆, 府 樂 縣

寅, 河 兵尹家賓 慈, 亮,

知 縣 恭 南 南 陽 鎭 總 炳, 鄭 州 知 州 湯 似 浙 iI 衢 州 脐 知 府 洪 思 湖 南 衡 州 府

知 府 裕 慶, 清 泉 縣 知 縣 鄭 111 断 棉 化 城 副 都 統 坐 誠, 澤 州 府 知 府 陶 家 駘, 潞 城 縣 知 縣 程 壁;

高 43 縣 知 縣 于俗 霖, 長 子 縣 知 縣 恩 順, 111 東 恩 縣 知 縣 塔 乃 助, E 西 按 察 使 陳 泽 霖, 帕 뺽 縣 知

縣 鄧 家 猷, 南 城 縣 知 縣 翁 保 仁, 坞 荠 革 職, 水 不 敍 用。 浙 XI. 布 政 他 築 鈴, 船 京 副 都 統 晉昌 黑 龍

江 副 都 統 鳳 祥, m 彦蘇 鯀 統 領 鄂 英, 均 芩 簽 往 椒 遊, 尤 出 苦 差。 浙 ìL 衢 州 釿 總 浜 喻 俊 明, 金 衢

嚴 道 鮑 舢 齡, 湖 南 衡 永 郴 |桂 道 隆 文, 山 两 汾 州 府 知 府 徐 繼 孺, 署 縮 化 城 同 知 郭 之 樞, 恩 州 知

州 崔 冷寰忻 州 知 州 徐 椎 棊, 和 林 格 幽 通 判 C 111 黼, 托克 托 城 通 判 樊恩 慶, 用; 沃 縣 知 縣王 廷

英, 河 津 縣 知 縣黄廷光大寧 縣 知 縣 **曾季鳳壽陽** 縣 知 縣 秦錫 圭, 太 谷縣 知 縣 胡 德 修, 孝 義 縣

知 縣 姚 學 康, 海遠 州 司 獄李 鳴 和, 太 原 城守營 石 鳳岐, 均 著革 職, 發 往 極 邊。 河 北 道 一个春荣, TI

西 署 建 昌府 試 用 知 府崔 湘, 代 理 南 城 縣 試 用 通 47 紛 寶 仁 南 豐 縣 知 縣 鄧 宣 猷, 廬 陵 縣 知 縣

馮 關 森, 安仁 縣 知 縣 劉 泰龢, 署 翻 陽 縣 試 用 和 縣 應 爽, 均 著 卽 行 革 職。 IIII 城 縣 知 縣 湯 鼎 煊, 高

安縣 知 縣 何 敬 釗, 翰 縣 知 縣彭繼 昆, 署古安府 恢 補 知府 何思呂均著 撤 们:。 而 地 方 罪 魁 題,

亦以告終。

某人 足 以 M 滯和 議之 **進行者厥** 為價 金問 題蓋其時要 求償 企 者 凡 + 國, im 各 國 利 害

關 係 各 兴, 損 害 情 形不 同, 則 賠 僧之標準, 自 不 易定; 兼 以 1 3 國 财 政 紊 亂, 價 金之擔 保, 以 及 償

湿 之期 限, 1/1 須 長 期之 磋 商; 谷 國 乃 舉 德 奥 荷 比 四 公 使, 爲 碷 定價 金之 譋 查 員。 四 使 乃 先 定

償 金之 基 礎, 其 大 要: 凡 此 次 軍 事 鞍 펬 死 傷 书 撫 鮣 費, 及公 使 館 倾 事 館 修 繕 費, 與 政

府 切 财 直 所蒙之損 害又 嗣 於 此 次之調 查 費, 作 縞 國 家之 直 接 損害。 1 1 國 各 處之

外國 商 社, 其 房 尾 圳 產之損 害; 場業 務中 止之損害紛失之貨物 **錢票股票不** 可 收回 之憤

第四章 北京議和及東三省撤兵問題

六十一

權債證與買 賣 契 約 不實行之損害個 人失業務之消費與一 切 私 有 財産 之損害及關 於此

項之 調 作 費; 料, 抣 作 爲 商 莊 個 人之直 接損害隨又 接 損 等。 被 雇 排 標準, 人之 ----身 弧 ]]} 產 果, Ł 扣 害與 失生

**额爲六千** 命之 撫 卹 无 Ħ 作 縞 萬 鎊, 雇 合中 人之 MI. 國 海 銀 四 百 **磋定报** Ħ. ---兆 害程 Mi . 其 中俄 度之 以出 經 兵東二 會 談 省損害 之結 最 確 大, 定 獨 價 占 企 總 多

數, 於事後派 大軍 手 北京次之法英日美意比與又次之 而以荷為 鼠 小少奕字字 接償 金 総額

公文後驚歎過 巨,回 書詩 求酌 滅, 业 增 加海 關關稅又許以三十 华還 清, 而各使 不僅 411E 诚 少

之意, 且以 利 息 之決議 黑 會奕李奕 李不得 已乃以償 · 全全數及 週 作 加 114 釐 亿 息 事, 電 奏西

安, 旋 奉旨 批 准, 丽 償 金 額 興 利 贤 额, 逐以 確 定。

右 額 定 後, 而 償 還 方 法, 典 擠 保 财 源, 又不 可 不 妥為 協 議, 使 乃 選 英 法 H 他 四 使, 為 調

查 償 還 方 法 及 财 源 委員。 四 使 會 議 後, 先 定價 還 方 法 紫四 項又 以會 議結 果, 確 定 曲 1 或 政

府, 按價 仓 應 納 额, 發行 定 朔 公债券。 交付 冽 國。 全 擔保 之财 源, 亦經數閱月之 磋 商, 迨 七 月 上

旬, 始爲一 致之決議: 以海關稅內地關稅及鹽稅三項充價金之財源(二) 海剮 稅

增定為五於(三)海關稅從前之從價稅一切改為從量稅由是罪魁償金二問題完全解

**决而和議始就緒云。** 

本節參考書如左

李杕拳禍記懲治罪魁

吉田良太郎西巡大事本末紀會議賠款

劉彥中國近時外交史八國聯軍入京之禍

### 三 和約概要

自罪魁處罰損害賠償二問題解決後和議之障礙已除其餘諸問題中國 與外國無大

辨難, 各國 間亦無相差之意見發生故談判之進行較易至七月二十五日北京媾和條約, 逐

完全成立其概要如左:

第 一款 德國欽差大臣被害一事前於本年四月二十三日派醇親王載灣為頭等專使

第四章 北京議和及東三省撤兵問題

六十三

大 臣, 赴德 代 表 皇 帝 及 政 府惋惜之意。 並 聲 明 **7**E 遇 害該 所, 翌 7亿 銘 志之碑, 與 克 大 臣

位 相 配歷敍皇帝惋惜凶事之旨, 書以拉丁德漢各文, 已於 五月十日 與工。

第二 款 懲辦傷害諸國 政 府及人民之首禍 《諸臣端郡] 王載漪輔品 國公 載瀾 均定 斬 盥 候

罪名, 加恩貸其 死, 敠 往新疆永遠監禁永不減 死。 親王 載勛 英年 趙舒 翘, 均 賜 介 自

杰。 秀徐承煜, 法。 衡, 已身死, 種原官, 職。

毓 賢啓 均即 行 Æ 剛 毅 徐桐 李 秉 均 追 fill 介 革 徐用

儀 立 山 許 景 澄 聯元 袁 视, 均 開 復 原官, 以示 昭 雪。 (先 是清 廷 已決 用 義 和 團, 驅 逐 外 人,

許景 芨 昶, 均 力爭 不 可, 觸 裁漪 剛 毅 怒立 扩 彈 刻, 奉 殊論 卽 行 IE 法。 聯元 以 力 爭 问 外

開 戰及 傷 害使臣 事, 觸太后. 怒以 爲 有 意抗 旨, 卽 命正 法以某 親 E 跪 水始 免然 **学**衆 已

積 怨 心於聯俟其 歸, 闖 入聯宅, 巡行 捕斬立山 亦言 筝衆 不可 特拳 黎恨之造 人闡 其 第, 伺

立 H 出, 執 至莊 王府 囚之旋殺之於市。 徐用儀廷對時力主 和 議, 太后 不 悅, 端 剛 嫉 尤 甚,

未 請 旨, 遊 發拳 衆擒 之於私 第。徐 被 捕之 初, 大聲叱 問, 我 何罪 丽 致 此, 未 竞, 刃 已 加 頸, 死

狀 殊 慘。 見李 杕 拳 涮 記 忠臣冤戮」) 甘廟 提督 童 福 祥, 革 職降 調。 **双**各 省 地 方 獲 谷

官 吏, 依 本 牟三 月十一四月十七 七月六日 H 各 Ŀ 諭所 定各 罪案分 別懲 泌辨諸! 國 人 民 遇

害 衱 虐之城 鍞, 停止文武各等考試 五年。 へ本 約 | 附載第 八號附件光緒二十 七年 七 月

日, 諭:

六 奉上 本日奕劻李鴻章具奏各國議定滋事地方停止文武各考試 五. 华 摺塊

稱 順 天太原地方鄉試, (仍應停止) 其單開· 山 西省之太原府忻 州 太谷縣 大同 府 汾 州 府、

孝 義 縣、 曲沃縣大寧縣、 河津縣岳陽縣朔 平縣文水 縣壽陽 縣 42 易 縣、長 子 縣、 尚 平 縣 澤

州府、 隰州、 蒲 縣、 絳州、 歸 化城、 **綏遠城** 河南 省之南陽 府 光州, 浙江 省之衢州 府, 直 隸 省 之

北京 順 天 府 保 定府 永清 縣天津 府順 德府 望 都 縣 獲 鹿 縣 新安縣通 州武 邑 縣 景 州 凝

平縣, 東三 一省之盛立 京 甲子 敝 連 山 餘慶街 北 林子 呼蘭城陝西省之寧羌州, 湖南 省之衡

州府 等地方均應停 止文武 考武五 年著各省督撫 學政遵照辦理出示曉諭。 「見滬

書局 辛丑各國 和約文件彙編」

第三款 日 本 書 記 生 杉 山 **彬被害中國** 皇帝 從優榮之典已於本年五 月三日簡派

戶

部

侍 即 那 桐 為 專 使 大 臣, 赴 日 代表皇帝及政府惋惜之意。

第四章 北京議和及東三省撤兵問題

六十五

第 四 中國 允定 在於諸國被 污瀆 及挖掘各墳垒 建立 滌垢雪侮之碑 已與諸門 國 全 權

大臣會同商定。 其碑由各 該 國 使館督建並由中國付給估算名費銀兩京師 帶,每 處

萬 兩外省每處五千 兩此項銀兩業已付清。

第五款 中國政府允定二年之內將兵器彈藥與製造兵器彈藥之材料禁止入口。

中國皇帝允付諸國償款海

第六款 關銀 四百 五十兆兩。

五 儿 五。

德國 馬克三・〇五

美國圓〇•七四二。

甲

)此四

百五十二

· 兆兩,

係以

海

關

鍛

荫,

依

左率

**兌換各國之金貨計** 

五。

與國克 勒 尼三 •

法國 佛 郎三 -1 五。

日本圓一・ M  $\bigcirc$ 七。

英國先零三。

荷蘭 弗樂林一·七九六。 俄國盧 布 · 四 二。

此 四 百 五十 兆雨, 按年加四釐利息以三十九年清還本息皆用金貨付給或按還時

市 價易金付給。

乙 ) 此欠款 一切事宜均在上海辦理以後諸國 各派 銀行 董事一 名會同 將 肵 欠由

該館 中國官付給之本利總數收存分給有干涉者銀行出付回 執。

丙)由中國政府將全數保票一紙交駐京諸國領銜欽差手內此保票以後分作零

票每票各由 中國特派官員畫押此節以及發票一切事宜應由以上所述之銀行董

事各選本國飭命 而行。

 $\widehat{1}$ 

付還保

票 以源 各 進 款 應 每

月給

銀行

董事收存。

戊) 所定承擔保票之財源開 列於後:

) 新關之收入內除給付擔保舊借外債之本利外所剩餘之款又進口貨 税,

**今增至實行值百抽五所得之款** 

所有常關各進款在各通商口岸之常關均歸新關管理。

(三)所有 鹽政各進款除還外國借款一宗外餘剩一 併歸

至進 口貨 税增至 一切質値 百 抽 五諸 國現允一 可行惟須二端:

第四章 北京議和及東三省撤兵問題

六十七

)從前之從價稅改為從量稅其改定方法依最近三年間各貨品卸貨後之平

均價格為議價基 礎。

二)白河 黄浦江 兩水路均應改善中國應撥款相助。

增稅一層俟此條款書押日 兩個月後即行開辦除在此 畫押日 期 後至

在途間之貨外慨不得免抽。

第七款 中國政府尤定各使館境界以為專與住用之處並獨由使館管理中國人民概

不准在界內居住且各國爲保護公使館得置護衞兵於使館區域。

第八款 中國政府應允將大沽廠臺及有礙北京至海通道之各廠臺一律例平現已設

法照辦。

第九款 按照 光緒二十六年冬月二十六日文內後附之條款中國政府應 允 由 諸 國 會

同 酌定黄村 郎坊楊村天津軍糧城塘沽蘆臺唐山灤州昌黎秦皇島 山海 關等處留兵

駐守以保北京至海通道無斷絕之虞。

# 第十款 中國政府允將兩年之久在各府廳州縣頒布左列各上渝

- 中 曆 上 年 臘 月十三日 Ŀ 諭, 以永禁或 設 或 入 與 諸 國 仇 敵之會違, **全者皆斬**
- 中 曆 本 年 七月六 日上渝 犯罪 之人, 如 何 激辦之處: 均 載 明。
- 中 曆 本 年七月六日 上渝, 以諸 國 人 民遇 害被虐各城鎮停止文武各等考試。
- <u>pq</u> 中曆上 年臘月十三日上諭各省督撫文武大吏暨有司各官於所屬境內均有

保平安之責如復滋傷害諸國人民之事或再有違約之行必須立 **時彈壓懲辦** 否 則

該管之員即行革職永不敍用亦不得開脫別給獎敍。

第十 款 中國 政府, 允定將 通商 行船各條約內諸國, 視為 應行 商改之處及有 뤪 通 商

各 地 4事宜均行 議商, 以期 安善簡 易現按照第六款賠 償 事 宜約定 中國 政 府 應 允 襄 辦

改善白河黃浦江兩水路其襄辦各節如左

)白河改善 河 道在光緒二十 四 年會同 中國 政府所與各 工盡由諸四 國 派 員 興 餒

俟治理天津事務交還之後即 可由中國派員與諸國所派之員會辦。 中國政府的 應

第四章 北京議和及東三省撤兵問題

六十九

#### 付 海 關 銀 郁 年六 萬 兩, 以養 其 工。

現 設立 黄 浦 江 河 道 高, 經管整 理 改 善 水 道 各 Ι, 所 派 該 局 各 員, 约 代 中 國 及

國 保 守 任滬 所 有 通 商 之利 忝。 預 佑 後二 ---年該 局 各 T. 及 經 符各 貲, 臐 够 SF. 支 用

關 銀 四 十六 萬 兩, 此數 45 分, 华 由 问问 政 府 付 給, 华 由 外 國 各 1: 洲 者 111 資。

第十二款 th 曆 本 年 六 月 九 H 降旨, 將 總 理 各 國 事務 衙門, 按照 諸 阈 酌 定, 改 縞 外務 部,

位 班 六部之前, 本 約 附 載第 ---八 號 附 件, 光緒 <u>-</u>十 -1 年 六 H 九 Π, 灰 Ŀ 諭: 從 來 武人

分 職, 惟 在: 因 胩 制 宜, 現 當 重 定 和 約 之 時, 省 以 邦 交 為 重, \_.\_ 初 滿 信 修 睦, 忙 賴 得 人 im 理。

從 萷 設 立 總 理 各 灵 事 務 衙 門, 辦 押 交 涉, 雖 歷 行 45 所, 惟 所 派 F 大 F 樂, X. 倸 飨 差, 恐 未

能 殫 心 職 守, 應 特 設員 缺, 以 驯 責 成, 總 刊 各 國 事. 務 衙門, 著改 爲 外 務 部, 班 冽 六八 部 之

前。 簡 派 慶 親王 义助, 總理 外務 部 事 務; 大學士王文部, 著授為何辨 外 移部 大臣; 1 部 倘

書製 穖, 部 書, 授為 會辦 大 臣; 太僕寺卿 濤朋, 品京 聯劣,

鴻

著調

補

外

務

倘

徐

恢

椾

pu

堂

著 補 授 外 務 部 左右 侍 郎。 所 有 該 部 應設司 員 、額缺選補, 亭 程, 派 堂司 各官, 應 如 何 優給

俸糈 之處著政務處大臣會同 吏 部公連核 議具 奏。 見滬濱 書局 辛丑各 國 和 約 文件

彙編 Ш. 變通諸國欽差 大臣觐見皇帝禮節。 (本約附載第十九號附 件, 觐 見 禮節

節: 一各國 使臣覲兒 時當在乾清宮正殿。 各國使臣覲見時乘 大 八幡至景

連門 7外換坐椅5 轎 至乾清門塔前, 步行人乾清宮在皇帝 御前 觐見,退出之時, 膃前 例

鱊 使 館。 諸國 或 國 使臣, 呈遞 **國書中國** 應派 轎至使館 迎 接, (其送歸 時 亦 照 此

例。 又往 返之時, 均派 侍衞 沿 途 頀 衞。 --7 四 誻 國 使臣, 齎 奉 國 書入 宮必 由 各 41 門行 走,

惟 退出 時, 應定各 門, 仍 遵 使 臣 平 常鲵 見之例「 ₹i. 諸 國 便臣 齎 奉 國 書呈 . 遞之時,

國 皇帝必親了 手接收「六」 中國皇帝 賜宴各國 使臣, 必在宮内皇帝 必射 親入座「七」

切儀節及中外各等交接, (均照 兩國 平等儀節總以兩不損傷國威爲主。 「見溷濱書

局 |辛 1: 各 國 和 約文件彙編。 <u>\_\_\_</u>

右 約 批 准 後, 除 第 七條 各國 置 頀 衞 兵於 使 館 温 域 內, 與第 九條 各國 駐守 各 要地 外其

餘谷 國 軍 除均 於八 月退 出 疽 隸。 北 京陷 落 後, 歪 此已閱 - ~~ 年, 以 各 國 保全 中國 例 **±**: 主

第四章 北京議和及東三省旅 **於兵問題** 

無要 水制讓土地之事; 然然止 兵器彈藥輸入削平北京大沽間礮臺無期佔駐各處要塞其,

侵害 主 權 特甚。 一 而 賠款: 本利 總 額, 依當 時 戶 部奏案共達 九億八千二百二十三萬 八千 一百

五十 兩, 其實不 止此數條約 第六條甲項規 定 依 允 换 金貨 率計 算則不以海 關 鍛 兩 爲 標準,

而以兌換金貨率為標準自條約締結翌年來銀價非常低落每年按表還價外額外津貼海,

關銀三百萬兩之譜更受無窮之損害矣。

本節參考書如左:

滬濱書局辛丑各國和約文件彙編

陸元鼎各國立約始末記辛丑十一國和約

吉田良太郎西巡大事本末紀和議准約

四 中俄密約之周折

先是俄人既占領東三省欲與中國締結特別條約先提議北京撤兵次反抗罪魁處罰

冀以結 中國政府之歡心而 達其完滿之目的。 及英德協議發表後俄雖外表贊同, 然其解釋

隱 示 該 協 約 不 適 用 於 東三省其心 Ü 昭 然若 揭。 北京 和 議之開 始 也, ւի 外  $\beta_{i+1}^{\prime\prime}$ 傳 俄 關 東 總 督,

與 奉 天 將 軍 州 祺, 稀結 密 約 九 條, 共 141 如 奉天省城 等處, 應留 俄 奼 馬上 防, 將 軍 及 地 方官 等, 應

以 禮 相 待, 並 随 時 益 力智 同 照 料 住 宿 處 所,以 及 採 買 糄 料等事奉天 軍 除, 應 由 將 軍 •----律 撤

散, 收 繳 軍 械, 並俄 隊未得之 軍 器 庫 旃 存各軍 装枪 酸; 統行 轉交俄武員 經 松理奉天久 谷 處, 俄 軍

未 駐紮處所職臺營壘 是應會同俄員, 倂 削 往拆毀營口等處俄官! 暫為 經理俟查 得奉 省 確

曾 安定 時,再 行 調 換華貞以四 及率 人各 處巡捕 馬步谷 隊, 加 地方有 事不足於 用, 無 論 水 陸 邊

界 腹 地, मि 由 將 111 就 近 知 會 俄員, 輕請帶 兵官 が 力 付問 ·辦 押。 盖依 上述之密 約, 東 省 幾全

胃 縞 俄 之保 護 領 矣。 至 光緒 -----车, 公曆 九 (\_) ---4: <u>`</u>, īF. 月。 復 傳 馬俄 中國公 (使楊儒)

腴 俄 外務 大 臣 批 穆斯 多 福 縮 結 小俄 密 約 +-二條, 北 要 加 左:

|俄 國許 將東三省交還 一國, 國 ĪŪ 71: 該 處 設 辨 事, 如 從前。

應許 俄國在該處留兵 ·駐防該將軍及地方官應格 外和 治。

第四章 北京議和及東三省撤兵問題

七十三

(三)該處若有事變俄兵可 幫助 中國盡力平亂中國應將該處官兵一 律撤散俄· 人未

得之軍裝火器礮臺營寨以及火樂庫 学亦宜交: 出 拆 毀。

四) 中 國不得駐 兵東三省亦不 得 再行 練兵遇必要時須 、先與 (俄人會商其) 數亦 曲

俄

人酌定軍裝火器, 並不得運入東三省。

五)東三省各地方官應歸俄人指派各大吏若有處置失宜俄人可請中國革辦政府

須即照准。

六) 北 中國 水陸軍應歸俄人訓練不准 他國 人干預。

七 中國 棄旅順 П 金州之自主 權。

滿蒙及 新 疆 伊 犂 ---帶 礦 Ш 鐵 道, 及其 他利 益非經俄國許可不准讓與

他國

人並

中國 人自辦? 叉不 准於 牛莊 地 外租 典 他 國。

九) 中國應賠俄國兵 費。

鐵道產業被毀以及他項損害亦歸中國賠償。

十 現時俄國損失費用中國須以東三省全部或一部之利益為擔 保。

-|-中國 應許 俄國 由 東三省支路或幹路 再造 <u>一</u>線, 直 達長 城 及 北 京二 處。

右 約 旣 披 鑔, 英政府 卽 向 俄 M質問俄外長 力辨 其 無, 而 馬上 美俄 便略 西 尼, 亦 向 美 力 白 其

安然楊 儒 以 俄 政 府之迫 壓, 不 得已 而 結 此 約, 經電 奔助 李 湖 章轉奏請旨。 鴻 章以 條 約 提 示

各 國 公 佊, H 英美 徳 奥 意諸 國, 先 後 向 中國 警告, 而 日英 為尤 烈時 奕劻 首倡 反抗, ini 江 督 割

坤 一颗督 張之 洞, 兩廣 双總督陶模巡览 撫德壽等均奏請拒 絶東 撫袁世凱鐵道 大臣 盛宣 懷電

稟李鴻章告密約 不 利。 而 日本以東三省利害之關 係便 一方向議會宣言東三省包括於英

徳 協 約 之内, 一方 间 俄 政府, 請將密約 提示 小列國會議(俄五 政 府 知難 **遂其欲望旋向各國** 申 旫

廢棄而第一次密約途成泡影矣。

俄 人 於 第 次密 約, 雖 自 行廢 **棄然究非所** 计心及: 北京 和 議 成立後, 由 两 安 頒 布 兩 宮

暫 不 回 京之 諭, 俄 遂 以 北京 主 權 倘 未 確 定 為鮮要 求 繼 續 ıfî 領 東三省。 李鴻 革 亦 得 於九

月 中 旬, 復 與 俄 使 協 商。 修訂第二次密 約。 其 中 如關 於牛莊 山 海 關 銊 道交還條件東三省**退** 

第四章 北京議和及東三省撤兵問題

七十五

七十六

兵條件東三省軍 隊訓 練條件日英軍隊輸送條件建築鐵道支線條件較之第 、一次密約俄

人讓 步質多然是 時 太后 納劉 張 兩 督之 疏, 拒不 批 准, 並 命 鴻章 上廢約鴻章 以 北 京 義 和, 身肩

難局, 愛勞致疾, 及接 一般約 之渝病勢頓 加以九月二十七日病卒旋俄, 人雖 繼續 與 奕劻 王文

韶交涉然以兩宮回京既失繼續占領東三省之交涉且以日英之反抗密約終未免實見云。

本節參考書如左:

吉田良太郎西巡大事本末紀附記增將軍與俄立約事

吉田良太郎西巡大事本末紀附中俄密約說帖

劉彦中國近時外交史八國聯軍入京之禍

五。清帝回京

初, 兩宮在太原時李鴻章入京議和各國使臣即有淸帝回京主議之說鴻章以告帝頗

肯允從太后持不可旋又納鹿傅霖之奏西幸西安迨和議就絡列國允行撤兵內 外大臣迭

奏請 火苟有以善其後未嘗不, 回 京而 翰 林 院侍講 學 士惲毓鼎言之尤 || 卜靈長惟| 切略謂 近來和議 已成外兵將 撤; 京師 雖遭 兵 西

可奠鼎祚而 回 京日期至今尙未宣示官商 士庶, 喁 喁

望, 令, 日盼 **變輅之早還我皇太后皇上** 一, **誠**今日之要務中與之 一日不還大局 也况 日 【不定即宗】 西巡, 祉 ---日不安, 載, 躯 凡 政教 廟。 號

亦 ---日不 能歸 轉機 又翠華 瞬 將 上 瞻 陵 F

顧 臣 民, 度我 皇太后皇 上仁 一孝之心, 必有 不 忽 恝 置 者。 者 必謂 北 方 危險, 車 駕 未 可 輕 湿, 夫

處 君 父 於 患 難之中聖 心 固 有 不安, 臣心 亦何 忍輕 議。 惟 熟籌 今日 時 勢我 皇 太 后 皇 上萬 不

能 不 - 還還之後立 亦萬 無意 外之虚。 如 必欲 昭慎 重, 則 暫移 **蹕開封體察情形再行** 北 Ł. 西安災

歉, 糧 運 艱 難, 萬乘久居誠非 便利; 開封控制較便儲 時較豐趁此春和從容就道似 亦萬 全之

策 也。 旋 北京 納民, 又紛紛呈請回京都察院亦聯銜, 陳奏四 月二十一 日, 乃渝 於 七月 4. 九 日,

由 泂 南 直 隸 帶、 回 京, 並 命 各衙 門先期 預備, 將此 諭 體 咸 知, 以 慰天下臣民之望云。

迨 七月 日, 以陝撫 升 允奏言 關 中 炎熱, 大 (雨之後) 泥 淖彌 深, 懇 請 展 期 回 京豫撫、

積 雨 連 旬, 河 水 驟 發, 蹕道 多 被 衝 毁, 靈寶関鄉等處深溝 線之路· 山 水暴注尤屬 危險,

第四章 北京議和及東三省撤兵問題

七十七

泥 深 數 尺節 節 阻滯, 鞏縣 行宫, 囚浴 河漫 流工程 亦 有損 失刻 正 設 法改造, 継將 回京 r.F 期, 改

至 八 月 節 後。 乃 輸改 至 八 月二 ---四 日, 啓 跳 回 京。 至 期, 兩 宮 由 闸 門出, 迤 遛 至 東 門, 然 後 向 東

行, 削 有 馬 除 開 道, 次 為宮 監, 次 為 御 削 侍 衛, 次 爲 御 興, 41 貯 章 奏 要件, **次**為 御 削 顶 馬 侍 衞, 後

爲 帝 輿, 次為 皇太后 與 义 次爲 皇后 輿, 叉 次為 妃 嬪 大 भग 哥王 公貝 勒之煦最後 有 大 車 岩 Ŧ,

**皆侍從之人** 八也十月十日 日, 兩宮 在開 封, 慶 [賀萬壽] 設備頗完十一 月四 Π, 由 開 封 啓行, + III H

抵 順德, 時袁世凱 方督直 隸, 迎 駕。 六 日 復啓行, 世 凱扈 躁, 恭 親 王溥偉 等自 北京 赴 正定

接

駕, 三干 四 日, 兩宮 棐 火 車 回京。 計是 役行 李所 費, 約 F 數 百 萬云。

先 是, 太后 自 經 大創 後, 恍 然於 國家 致 弱之 原 囚, 知 此 後 行 政 方 針, 不 能 不 從 事 改

革,

以

圖 補 救, 故 當 在 西 安 行 在 時, 削 毅 然 以 決 行 新 政之論旨 布 告 中 外。 旋 又 命 設立 督 辨 處, 派 奕

劻 李 鴻 章 築 祿 王文韶 應 傅 霖, 爲 熖 辨 政 務人 臣, IT 桦 劉 坤 鄂督 張之 洞。 爲 叄 領, 温鴻 機

爲 政 務 大 臣。 命 銷毀各部署案 奏裁 汰 書 吏命 整頓 翰林 院課 編檢 以上 各官, 以 政 治 1之學復

開 經 濟特科。 命自 明 年鄉 會試爲始均試策 論, 不准用八 股文 程式, 並停 止 武 生童 考試 及武

科 鄉會試命各省所有書院於省城改設大學堂各府及直隸州改設中學堂各州縣改 設 小

學 堂, 多設裝養學堂命宗人府府 丞盛宣懷 爲辨 理 商 稅 事務 大臣, 議辦 通 商 行 船 各條 約,

及改定 進 口 稅 則 切事 宜並著 劉 坤 張之 洞險 同 辦 理, 新 政 漸 繁興 焉。 太后 毎 見 臣工, 恆

涕 泣 引 谷, 奉臣 詩行 新 政, 多所 採 納; 及還 **必京中?** 外 漸 安輯, 逐 日 答 肆, 大 修 阅 和 園, 窮 椒 奢 麗, 11

費 四 萬 仓, 歌 舞 無 休 日蓋 已忘 喪亂 矣惟惕: 於 外人之威, 凡 所 岁水, illi 意徇 之, 國 公 使 夫 人,

得不 膊 入宮歡會間, 與内 政日本 内田公使夫人解華語光融治。 內監字道 英战 用 事, 典白雲

觀 高 道 拜盟, 而 華俄銀 行 理 事璞科第交高道士厚因綠結於蓮英 《多所密議: 外交尤有力

焉。

本節參考書如左

李杕拳禍記回鑾誌盛

黄鴻壽清史紀事本末復詔變法

羅惇嚴庚子國變記

第四章 北京職和及東三省撤兵問題

七十九

## 六 東三省撤兵問題

初, 俄 人所 力征經營之中俄密約旣以中外之反抗終歸泡影故兩宮回京後迭促俄國

撤退 東三省之兵不應日本國民同盟 會大激品。 要水 本國政府以武, 力迫俄撤 兵。 H 英國

交素 洽, ihî 英人對極 東 政策夙與俄持勢力均衡 主義 見俄 不僅襲括 東三省且 於 西 藏 大 有

所活 動, 亦不得不 腴 H 木 相 提攜而二日 國實際之接合以 成光緒 二十八年 (公曆 ---九

年 正 月駐英日本公使林董與英外 務人臣 蘭斯頓 締結 日英同 盟 條約。 其大 要如: 兩 締 器

國 以 相 互承認· 中韓 兩國之 獨立, 聲明 該 啊 國 無論何 方不爲全然侵略的 趨向 所 牵 制; 但 娴

締 盟國於中韓之利 益, 一若因他國侵略行為, 有所侵害或中韓自 起騷擾致締盟, 國之利 猛, 及

其國臣民之生命財產受侵害兩 締盟 國為 擁護該利益起見各得執行必要之手段又 兩 締

盟 國岩 方因防護利益與乙國交戰時他, 方須守嚴正中立並努力妨礙第三國加 入 Z

國, 與同 盟國交戰蓋該條約之主旨雖標保持中韓獨立之名質則 日英各欲維 持 其利 益, iffi

#### 藉以抵禦俄人也。

}日 英同 盟 條約 旣 、 發表諸國: 多表问 情, 俄人對東三 一省永久占領之慾望, 至此 遂不 敢固

執。 然 恐日英同盟之結 果有礙俄國極東勢力之權衡乃將俄法同盟關係擴張至, 極東 方 面,

冀與 日英同盟相對峙同時 更向各國宣言謂英日協約之目的 全與俄國素持之主義同揆

於是東三省問題之解決更進 一籌三月一日駐北京俄國公使雷薩爾與奕劻 王文韶 締結

東三省撤兵條約如左

第 (條 俄國皇帝表 明對中國皇帝交誼親厚將 東三 省暴 撃俄 民之事置之不 問允任

東三省各地歸, 復 中國 權勢並將該 地 方 \_\_, 如俄 軍 未占據以前, 仍歸 中國版 圖, 及 中國

官 治 理。

第二條 中國政府自接收東三省自行治坦之際中明與華俄銀行於光緒二十二年二中國政府自接收東三省自行治坦之際中明與華俄銀行於光緒二十二年二

月二日 所 立 合同年限及各條款實力遵守並按照該合同 第五款承認極 力保 流遊鐵道,

暨在 鐵道 執 事各 人能 分應保護在 東三省所有俄國所屬各人及各事業。

第四章 北京議和及東三省撤兵問題

八十一

中國政府承認以上各情再無變亂發生並他國之舉動亦無牽制俄國政府即將東三

省俄國所駐各軍繼續撤去其方法如後:

(一)中俄簽字畫押後限六個月撤退盛京西南段至遼河所駐各軍並將各鐵道交

湿中國。

二)再六個月撤退盛京其餘各段之軍及吉林全省之軍再六個月撤退其餘黑龍

江省所駐俄國各軍。

第三條 中國政府及俄國政府爲免光緒二十六年變亂之復熾當俄兵未退之際駐紮

東三省中國兵隊之額數及駐紮處所中國允認除各省將軍與俄國兵官籌定所必須

勦 辨 彈 壓兵額外中國不別添練兵惟在俄軍豫完全撤退後仍由 中國 酌核。

俄軍全 撤 後東三省所駐中國兵額應添應減仍隨時咨照俄國政府蓋中國增添東三

省軍隊俄國亦必增邊境軍隊也。

東三省安設巡捕及綏靖地方等事除指給中國東省鐵道公司各地段外各省將軍教

# 練專用中國馬步捕除以充巡捕之職。

第四四 條 假國政府允許將光緒二十六年閏八月間被假兵所佔據並保護之山海關營

口新民廳各鐵道交返中國。

中國政府允許:

)設有應行保護該鐵道情形由中國負其專資排析他國保護修養並不可准

他

國佔 操伙 國所退各 地。

二)該鐵

四年八月二十五日中英山海關牛莊鐵道借款契約辦理日後該訂鐵道借款契約 道經營各節必照光緒二十五年三月二十九日之英俄協約及光緒二十

公司不得稍端占據或經理該鐵道。 \*

(三)日後在東三省市段緻修鐵道或敷設支線並或在營口建造橋梁或山海關鐵

道終點有遷移之計費時由 143 俄協 商辦理。

四) 應將假國政府交還 山海關營口新民廳各鐵道所有頂修及養路各費山 中國

郑四章 北京職和及東三省撤兵問題

八十三

### 表和阻遏的典辛丑和的

八十四

政府 與俄 政府商酌賠償俄國因 此项

未列賠款總額之內。

省利益不得已之所為今平和克復俄國之利益既得確障於遊迭次宣言之主義與中國政 右約簽押後俄政府更何各國宣言略罰俄國佔領東三省質因暴徒蜂起為保護

東三

府締結本約云云義和團事變至此始完全終結然假既之特許權之規定將東三省全狀歸 返中國較之日英同盟前與中國所訂之中俄密約其讓步藏不可以道里計此日後東三省

撤兵案之所以終不能履行, 而為日俄戰爭之一以火級也。

**本節參考著** 如 左:

李林华嗣記 中俄 新約

劉彦中國近 時外交史八國聯軍入京之嗣